


中國方志叢書·華北地方·第一一五號

據 民國二十三年石印 本撰影印

河南省

偃師縣風土志略

成文出版社印行



10107606

中華民國五十七年八月壹一版

偃師縣風土志略

定價：新台幣二四〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號
電話：九二二〇一〇號

印刷者：**正大印製廠**

三重市長生街二號之一

內政部登記證內版臺業字第一一四七號

有所權版

中國方志叢書導言

論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書是記言的史，春秋是記事。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，應該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中概說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有虧於方志者益多。近世以來，政治凌夷，雖屢變而不能中理合度協於人情，國事乖輓，職是之由。」這樣看來，我國畧存的史料確是不少，可惜史學研究上還待重行檢討哩！

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利病，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學圖書目，並知王綏珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的環循律陷坑，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加以解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。為了適應時代需要，樹立清晰而有系統的概念，我們把選印本方志叢書的範疇，暫定為鄉、縣、府、郡、行政區的地方史，及各種敘一物一事的專志等（如瀘水志、廬山志）。

明清以來，方志成為地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞非律賓史上的李馬奔 (Limahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6) 專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棣曾利用方志研究中國的早熟稻種。

(7) 元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8) 地方賦役的負擔，也可從方志比較輕重。

(9) 往日的水陸交通、驛站距離，也可查知考證。

(10) 鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11) 章學誠永清縣志對縣衙組織和差役的待遇，也是今日不易找到的資料。

(12) 往昔教育制度的社學、義學、書院、學田、科舉應考生的旅費等，也可從方志查考。

(13) 風俗、節日、寺院、壇觀、碑碣、古墓，在方志中均有豐富的記載可資考證。

(14) 少數民族如苗、獠的風俗，方志記載也很可靠。

(15) 歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

中華民國五十六年六月二十五日何光謨謹識於成文出版社

偃師縣風土志略序

古地理書之重視風土由來舊矣。陸機洛陽記、顧夷吳郡記、張勃吳地記皆方志風土之類也。地理書之有目錄、昉自隋書經籍志。其所載風土書蓋三十餘種。或一卷或二卷。多者不過三四卷。古地理書之簡要切近。莫不如斯。宋元以降。侈談文獻。州縣之志踵事增華。博而寡要。非古法也。周官土訓掌地圖以辨地物。誦訓掌方志以知地俗。其圖與志。後世不可見。要以辨地物。知地俗。經文固明示矣。近世提倡民生。注重物產。重譯六洲之地物地俗。多有知者。顧往往於生長桑梓一鄉一邑之物俗。反多茫然。司教育者亦不之檢。為學生者亦無所資。舍己為人。驚遠遺近。猶之事農業者。不辨自己田產之形質與物色。而詭稱鄰家之物產與地力。究何益哉。民國二十二年秋。余再充館職。首重及此。廣搜新舊方志風土之類。以備搜採。館員喬

君竹坡擬其彙編為志略其有未諳者輒躬往察勘跋涉全縣六月成書凡五編曰地理曰物產曰建置曰政教曰禮俗綱舉目張大體略具原意在欲蒐為將來續志之藍本故重現在而略已往抑文物而闡民生亦可謂簡要切近便於實用者矣頃之監修揚縣長兆鈺贊以為可命付手民以供館員之商討與小學之旁查或不無小補於現代民生也民國二十三年八月縣修志館副館長武敬初序

偃師縣風土志略

緒言

顧亭林曰知錄序有言曰今人纂輯之書正如今人之鑄錢古人采銅於山今人則買舊錢名之曰廢銅以充鑄而已閩侯林傳甲察哈爾鄉土志緒言亦曰不喜於蒐輯故紙而喜於從新調查云云然則著書之役豈徒鈔襲舊聞所能了事哉余之為斯編其材料得之新採者十之八九錄於舊志者極少耳故余自充館員以來凡關於山水者必親履之而後為之記關於民事者必親訪之而後為之說文不避俗只求詳明事不厭細只求切實大致重民生而緩故蹟自春徂秋曆時數月而成為是集其見深見淺聊備一家之言以供修正志者之採焉耳非敢謂足以問世也時在民國二十三年立秋後三日

邑人竹坡喬榮筠叙於修志館

任台集卷之六

序

師亦行目録卷之六

叙例

一本書言地理凡關於神話者如溫泉之僵人穴、嶽山之藏劍塚、石橋之過仙洞之類概從畧

一本縣舊志注重考據凡記載山水無一貫之統系本書為通俗計凡境內山川用分章叙述法以求其具體之表現使閱者可當臥遊

一兩舊志誤認口孜河為休水將水經注本文北歷覆釜堆東句東改為西又不顧其與陵廟記內云景山北有畢氏先塋去縣十里休水經其南之語顯係矛盾今既認童鈺之言與輦志以休水為輦偃之界流入洛水為是因直叙休水不暇置辨以免糾紛

一地志之書闕若璩曾言人物一門可以從畧又按地學雜誌各縣風土志亦未有載人物者故此書於人物從畧

一本書秩序以類相從，既重現在，涉及沿革，便覺夾雜，故不言之。
一本書於古蹟名勝，如昇仙觀、浮山溫泉等，已見山水條內，因不再贅，只載陵墓，亦係畧舉，恐涉繁雜。

一斯編目次，其第一二編屬自然地理，第三四五編屬人文地理。
一我國以儒教為國教，斯書禮俗篇內，所叙生育婚嫁祭祀等事，皆為儒教之微現，而宗教章內，亦引及之者，以見儒教之大，足以包容他教，其國民性原有所宗也。

編次

第一編

地理

- 一 位置
- 二 地勢
- 三 疆域山水略圖
- 四 印山 一
- 五 印山 二
- 六 中部諸崗陵
- 七 萬安山 一
- 八 萬安山 二
- 九 萬安山 三
- 十 萬安山 四

十一 萬安山 五

- 十二 伊洛
- 十三 劉水
- 十四 休水
- 十五 潯水
- 十六 諸水直線圖
- 十七 田畝
- 十八 土質
- 十九 水利

第二編

物產

一 麥穀之屬

二 蔬果之屬

三 動物之屬 附特產及土貨表

四 農產統計表

五 煤產 附煤礦斷面層表

六 石廠 附表

七 石灰 附表

八 鐵礦

九 硝益

十 其他礦產

十一 陶石 附表

第三編 建置

一 城府

二 公所

三 鄉鎮 附表二

四 道路

五 橋梁 附表

六 關津

七 交通

八 陵墓 附表

第四編 政教

一 縣政

二 財賦 表五

三 教育 表二

四 保安 表一

- 五 宗教
- 六 文化
- 七 居民
- 八 工商

第五編 禮俗

- 一 生育
- 二 婚娶
- 三 喪葬
- 四 祭祀
- 五 節序
- 六 香會
- 七 諺語

八 歌謠

禮俗卷見上志

序

五

禮俗卷見上志

竹白身五三三三

月

四才一三三三

偃師縣風土志畧

第一編 地理

(一) 位置

偃師縣之位置在河南省西東距開封三百六十里其地勢為蜂腰形東西廣七十里南北袤八十里其中腰狹處則東西僅卅里東北至北平一千八百里東南至南京一千六百里東隣鞏縣至黑石關三十五里抵鞏縣城三十里西隣洛陽故城三十里抵洛陽縣城四十里西南至風門六十五里抵登封縣城五十里北至周家山三十里抵孟津縣三十里東北至溝腦三十里至鞏縣城三十里西北至叩馬村二十五里抵孟津縣城二十里東南至轅轅關五十五里抵登封縣城三十五里西南至水泉口六十五里抵洛陽縣七十里全縣面積為三千三百七十五方里


(二) 地勢

偃師地勢分南北兩坡北坡為印嶺其土白鬆南坡近萬安山其土赤墳而紫中間為伊洛經流處平行多井田兩岸相距約十里皆土壁峻立人多傍崖鑿穴而居顯係河水冲流之斷岸層亦不知其為幾何年故論偃師之地勢兩坡皆宜麥棉而灘地宜於菜穀南山一帶水潦暴發多有冲為絕澗者若滑城河若馬澗河若劉澗河雖寬窄不等要皆年深日久水潦暴冲而成為溝壑縱橫之現狀是以順山之路多橋梁亦自然之地勢使然也若北坡則係印嶺本不甚峻其居民多作天窰院者其式為天井深兩丈餘沿穴而下周圍為窰數孔冬暖夏涼調查民俗者每稱為有上古穴居遺風焉。

孟津

鞏

(三) 全境疆域山水畧圖



四印山一

偃師北部之山曰印自陝西附二華而東來綿亘四百餘里起伏不一隨地立名屹然峙立於河洛之中西由洛西二十八里之鳳凰山入境東至石屹節出境以入於鞏共為五十餘里而鳳凰山為儘西第一峯其上有馮熙塚熙後魏時人為洛州刺史封昌黎王故亦曰馮王山其詳見金石錄陟其巔則西為洛境之朱冢倉地方古塚累累陵坂無峻處也東半里為通山溝俗稱為脈山道口查此處分水嶺僅數十武南溝十餘里通洛境張四批李密城遺址處北為路溝通劉坡亦十餘里乃自然之水溝俗傳李密開鑿此溝欲引黃河入谷未成而罷不可信因此處之高度以河道揆之勢若天淵絕非人力之可通也又東里許為羊鼻峯又東二里為獅子山山上有直武嶺五楹乾隆五十六年知縣湯毓倬有碑記上平約二畝四望甚遠

其南數里有六坪橫列者為峨嵋山純係土嶺山凹之中有郭墳邢溝等村乃獅子山前案所夾處也再東為薄姬廟山南應溝口頭北應東蔡庄再東為要爺塚塚在嶺上廣約畝餘稍東即為噪胡嘴其山腰即為黑山凹乃著名之產石處也蓋自羊鼻峯至此山之腰皆產石山前之郭墳村山後之東蔡庄皆取材焉噪胡嘴之東二溝相合為潘屯所屬之上下洞夏日有香火會北應省庄東接土樓坡此坡純土無石狀若枕頭若覆舟皆取形象以為名再東則為首陽山舜帝廟在其山巔廟西隆起處為夷齊塚蓋自真武廟至此所隔數峯高者為薄姬廟低者為覆舟山皆首陽也舜帝廟下應杏園庄山腰又有啟石處焉東連平峯二里許為天平嶺東有石峽陂之大道西北可通潞澤焉再東呂家塚上為虎頭山再東二坡為槐廟坡應車站再東為磨盤山再東為杏花溝再東為塚頭後坡俗名鏡鏡嶺

峯甚峻，上有民國十五年新修玉皇閣，望甚遠。此山之後，縱橫交錯者，為走不斷溝。北應牛庄，南應槐廟。古人名為杏花溝，今則左右溝壑皆為棉田。西溝之水，匯流於槐廟東溝之水，即為二龍溝水。由牛庄之南，繞經玉皇閣，并偕東北關帝廟嶺，以至古路溝之水，皆來匯焉。故城北之水，山洪甚巨，須有白虎堰之設也。總之，邑西之山，其過峽處皆有路。山北之田，直抵山頂，山陽之田，抵於山腰，而山腰之不能耕者，皆產石，其荒廢無用者，亦有限耳。溝壑之水，不數里而一洩，若溝口頭潘家屯杏園庄槐廟站，與城北關皆其洩水口也。

(五) 印山

印山在縣之東北者，自二龍溝起，遠視之，西接玉皇閣之鏡，鉞山平，行東趨，漸東漸低，約二十餘里，無聳音峻處，不過溝壑與崗巒恒相間，畧有高低可指耳。若近視之，則岸高僅十丈許，居人傍崖為屋，其

塢頂平疇固不遠然此特就南麓言之耳其大勢則此山自城東散放東馳至溝腦而入鞏南北厚約二十里較西北之楊庄省庄等處厚約十里者不僅倍從焉縣城正北為二龍溝有路可抵牛庄逾此則為龍虎嘴有文昌閣與關帝廟在焉又東為湯泉溝有路可通溝腦又東逾嶺為韋塢溝而關蘭塢之水出焉又東為靈龜山其南岸為化碧村有周大夫萇弘墓在焉又東為龍潭溝溝長八九里西溝一井為蘭塢吸水處泉出中溝夾岸皆石廠南行里餘至嶺嘴五龍廟處而東又有一泉流約六十步來入焉合而南流夾岸復多石廠石塢色紅約五百餘步石盡而水亦潛矣又南行里許方出溝口溝口東南有唐燕欽融墓在焉此處傍崖居者為徐家們為山坑墻崖高僅七八丈鐵路卡房旁有武虛谷神道碑又東為台溝為古石佛寺寺僅三間距鐵路八九步有石若假山狀刻佛像數十又東為琉璃

廟溝崖亦十丈許此琉璃廟者即岳瀆廟狀甚麗現傾甚後殿瓦碧
輝煌俗人因以琉璃廟稱之焉此溝之石廠亦多又東半里許有崔
公惠民渠碑地名花園為溫泉渠盡頭第六排地處乃孫家灣之中
鎮也再東里許有張公義橋橫於溪上南距鐵道約八九十步北即
溫泉溝入溝東西兩岸多石廠石為豆青色黃河堤工終年用之今
尚未休也溝內里餘龍泉寺在西崖下左隣為龍泉學校康熙年間
知縣靈道悅曾為寄勝亭於此今之學校乃其遺址也校前有池畝
餘圍之以堤周植以柳而為石閘於西南隅以資節放出池為渠深
廣約各三尺南流里餘出溝而西折灌地兩頃餘渠規每排三日澆
地者共分六排焉校後畧東十餘步有泉湧出水量遜於溫泉名曰
壩泉與溫泉水併流南出溝經張公橋下東折灌田頃餘蓋此溪即
古之鄆水其上源溝壑縱橫約十餘里而奔會於此學校之北約五

里即有泉出但未暢也學校前後為泉源會萃之處隨在掘之皆有
水焉夏日清涼冬日愈寒而泉愈溫冰雪之際氣若沸騰未嘗結冰
亦奇異哉再東緊接即為鳳凰山古名訾王山有宋會聖宮大碑在
焉其碑座石四周各六步龜趺舉手僅可攀頂碑寬約八尺厚約三
尺高六七丈翹首望之聳然也前後瓦礫數堆址已蕩然堆碑僅
存耳其西有紅廟為明清鄉人奉岳神之祠前有石級百餘層與此
宮無涉也再東為飯顆山其山形如饅頭相傳宋時謁陵恒享士卒
於此再東為石屹節危石嵯峨舊稱石崗近黑石關而入鞏矣

(六) 中部諸山

縣南十五里崗巒墳起曰景山商頌曰陟彼景山松柏丸丸是也上
有唐高宗太子宏陵在焉故人亦呼為太子塚塚甚巨南有華表天
祿辟邪翁仲等石器排列成行長約里許此山無石四周皆棉田陵

前有武則天所書孝敬皇帝敬德祀之碑為章草仆於地一任風雨
 漂刺樵牧損壞甚可惜也陵西五里有玉皇廟乃修陵時之行宮遺
 址所改建者也如今香火頗盛此山亦名白雲山在治西南二十里
 雲出即雨鄉人視為雨徵山下有紫雲洞景山之南距縣城四十里
 孤峯突起是為緹山一名覆金堆高里許周約三里上有昇仙太子
 廟乃相傳周靈王太子晋在此昇仙也有唐碑武則天書體
 字完好額為飛白乃金石中最有價值者也又有乾隆十五
 碑刻七律一首傳說為扈從汪由敦所書詩曰緹嶺龍從高岳
 開子晋此昇仙割來太室三分秀望去清伊一帶綿歡豫民情他閭
 苑菁羊參色我芝田孜孜求治猶多愧無暇重繙學道編又御書匾
 額曰即是丹梯聯曰笙音縹緲凌秋月鶴羽翔翅駐嶺雲現今第七
 區區公所及緹山高小校在其上山陽明時多柏樹稱為柏坡早已



無山下有青牛觀今亦殘廢迤西又有虎元崗浮山皆平地聳起
類似緱山之孤秀而峻拔避之虎元崗上惟有亂石蒼臥草間耳若
浮山之上湯王廟有魏武定六年造像碑現為第六區區公所山下
有崇聖寺完全小學在焉其形勢與緱山同此偃師中部崗陵之大
概也

(七) 萬安山一

縣南之大山曰萬安山乃中國山脈之中幹祖崑崙而宗天山由華
岳蜿蜒而來歷靈氏經伊闕自洛陽之萬安山祖師廟峯下之水泉
鄉入境橫亘縣南東至茅嶺坂隣登封界約六十餘里又北繞至李
家壩與鞏相界處而止儼若翠屏其高低起伏處形態不一隨在異
名要皆萬安山也其最西之水泉鄉乃南枕橫山有峯隆起西曰小
凹嶺東曰大凹嶺北曰焦山數壑圍繞之中隱若一凹故其山有小

凹嶺大凹嶺之俗名其山嶺皆沙成岩溝中有泉三道不甚相遠而流會於水泉口經焦山西首而入洛陽為沙河向西北去矣焦山本不甚高山頂有寨曰焦山寨西北有石洞高深廣狹皆約二丈餘內有大佛像二已壞其一其洞壁上造像皆滿與伊闕無異乃晉恭年間北魏遺跡今屬洛陽者也焦山南之大凹嶺稍東為銀洞嶺因該嶺之東崖有石堽六近視之乃古時沿石岩之石英綠順崖鑿下橫深約七丈口廣約四五尺上下六層相連共約四十丈高臨其口冷風淒然水珠丁東作聲形甚危險確係採礦所遺岩上有字苔滿難認惟有徐字堪辨餘則模糊不識時代難詳也由此而東為鷄兒溝鷄兒溝者有溝四五相連其嶺皆沙岩風化成為圓頂絕無奇峻特識處只有其中一嶺近底處有石竦然高約兩丈頭頸東向其形若雞故名鷄兒溝坐其石上北望太尉崗之薄姑廟南北恰相照也此

溝東接豹子嶺山多沙成岩有處石英最多石英即俗之馬牙石為
做玻璃原料之一種惜實業未興採之者少也各溝皆有泉水湛流
石上西北相會於馬瑤之五龍峽冲穿而出經太尉崗與焦山之間
西北與水泉口之水會直入沙河而去查五龍峽乃銀洞嶺與豹子
嶺之山足相會處有水成岩之石嶺厚數十步橫塞其間而鷄兒溝
水冲激成峽寬約三丈高約十丈曲幽洞邃而水流其中淙淙驚耳
北有一潭在峽口處廣數尺而長為丈餘其深幽然故入峽探奇者
必由南口入焉峽左有廟俗名五龍廟其碑文為洛陽郭某作有云
神姓寧氏今寧家村寧氏乃神之裔也云云甚可怪也又按水泉口
之水其上游皆沙嶺故下流成沙河此理之顯者也但其水流不長
且無作用故俗視為窮水其出山處河中多圓石與口汝河相似水
泉口有飯店數家為洛之李村登之宋表商旅往來大道也

八萬安山二

焦山與大凹嶺之東有峯隆起形如人字俗名歪嘴山而其實非歪也其山西接鷄兜溝東臨山張南連素珠嶺北臨肖村以正面看之東西長數里東為豹子嶺西為太尉崗乃人字之兩撇也前所云銀洞嶺鷄兜溝者皆為西坡遮蔽而藏其中大有千山萬壑一時收之勢焉此山之東遙與青蘿山相接而形成為一大凹以牛心山為中心西南有箕掌山其形甚似箕掌其左角有石磷岫錯研由山後看之如獅子形然故又名為獅子山實則與箕掌為一山也箕掌山後有嶺最長其脊有巨石遠視之若羣猪然故俗以為母猪嶺或即指此為素珠嶺而余以為箕掌之西南有山圍繞峯巒累累若貫珠然皆無名可指必係素珠嶺也若以母猪嶺為素珠嶺則西南之羣山皆無名矣牛心山後正南之山口有路可通登封乃封門山也遙望

此山口之左有峯方如升底即俗名之將軍帽山也。不知者說而為二。迂謬孰甚。又東則為四道溝。乃由牛心山東與嶺相間。數至青蘿山下而為溝。適四也。其第四溝口為宋陵採石處。磨崖有字。惜余未親見也。四道溝之北為百坏山之西首。其嶺相橫。俗以為百步嶺。迤邐西下。與豹子嶺相拱照。而成為山張以內之合水口。約而言之。此一大凹中。羣山圍繞。而牛心山適居中。峯偶一登臨。四顧寥濶。遠近山河皆在指点中。誠盛地也。其廟式為四進。台壁牆垣皆以石為之。有石坊一。石獅二。石塔無數。石碑亦無數也。坊上有聯云。蓮花座上龍璣舞。寶劍池欄海渡音。有一木聯云。山分崧火一峯。彷彿當年傳啟母。地是高辛遺址。依稀舊俗祀郊。媒足以代表風景。久已膾炙人口。又有一聯云。二月盛會四方還。供聯肩至一山羣集。八荒許羊接迹來。亦雅俗共賞者也。山後數十武。其孤嘴上去年新修一亭。名曰

飛來有高福堂所為記於今年三月初七日被電擊碎碑拋於山之西坡而碑座未動鄉人莫不以為怪焉。

萬安山 三

四道溝之東有峯特起崖谷聳然上有祖師廟一座位置約在縣之中南南為懷州寨逾峽而北為百坏山蓋百坏者青蘿山之北麓與青蘿原係一山而高度次之由青蘿下左右分趨東行迄於口致河之西岸西行迄於山張河之東岸綿亘二十餘里隨在皆可以形名者也其東趨者起伏不一故有九龍之名其西趨者蜿蜒直奔為四道溝之前枕而極西處變為土嶺直達山張之口土人名之曰百步嶺董村之南三里見其煤礦之黑查到處皆是乃前人掘礦之遺址也又南一里為黃草谷堆乃百步嶺下之一崗耳其長約百步許將軍泉即在此崗之東首谷中泉出之狀係在石塔之下有坑廣四

五尺石底而四周皆為黃土泉眼自翻於其內旁循土岸北流審視之其西北近石坡必其素流處也近特為農家擬作灌田用耳吾疑此黃草崗者四方居人不以為百步嶺而獨以此崗之南嶺為百步嶺夫此崗之南嶺確係青蘿山下迤西之百坏也以百坏而為百步嶺未知何故查舊志宋宣仁聖烈皇后山陵採石記云河南緱氏縣之西南二十餘里有山嶺最高形如委粟俗名粟子嶺嶺之東北下有廟榜曰山神載在祀典而不知是山何名歷詢故老莫知其實按東漢和帝紀稱永元十六年十一月己丑行幸緱氏登百坏山注云即百坏山也在洛州緱氏縣南又今緱氏之南二十里山名柏崖以此考之則粟子嶺諸山即昔日所謂百坏者也本朝列聖及母后登遐例遣官採石於山下崇奉寢陵云云據此則百坏通橫在四道溝之北與董村南之百步嶺相照是古今皆以此為百坏也更為顯然

矣。今管毛之東南坡有廟，為後周時之火燒廟。許中孚所為記云：在百岬山下云云。據此，則百岬山東至口孜河，西至山張口，更無疑矣。百岬之南逾西峽溝，為懷州寨，其峯最高，皆與青蘿相連者也。懷州寨之東下斷崖千仞，逾峽則為焰光山矣，當屬別論。

(十) 萬安山四

懷州寨之東崖下為峽口，乃由口孜赴登封之山道也。東連三峯，在西者為火焰山，其峯一，因山之北溪谷凌亂，若火炎然，故名。而甘露寺、甘露泉、杏溝、黃大王墳，皆在其正北也。在東者為馬鞍山，其峯二，遠視之若馬鞍然，故名焉。此山之東有五佛山，再東有路可通登封。曰檀樹廟嶺，再東為香爐寨，其峯尖如錐，山腰有洞，透明，在東六里。劉家溝東坡可望見之，距峯尖約七八丈，光透如斜月，約丈許，俗以此為天禱鍾。再東為柏峪溝，之後腦翠嶂若屏，乃五華坪也。查東南

諸山以五華坪為最高險而可登且有人住焉其人姓常數戶共納田租二十畝乃屬登封者也名之曰坪因其斜坦吾鄉樵蘇者多往焉此山在偃師東南隅遙接少室西首由此北轉約三里過小金溝為官字嶺蔣馮之戰濠壘仍存在劉眾溝之東坡上再北一里為尖山峪在老馬庄上再北逾潭溝東嶺長約四里為鷄鳴山而鷄鳴山有三峯俗名之曰筆架山蓋即此也自此又轉而東趨其南麓為少林寺屬登封東下則為萼嶺口矣由萼嶺以至水皇口南之小凹嶺東西亘六七十里偃登分界處多在山頂分水處也柏峪溝後腦香爐寨之正北有山隆起初名落落石繼名雪頂雪頂之西為佛光峪之東盡處有自然石窰深曲十餘丈俗以為洞賓洞也東為蘇瑤劉坡等處乃柏峪溝之南端也再北三里為熬子坪民九鄉團曹剿匪於此義民李保死焉由此西轉為麥楷棚其上有人居之乃喬姓郭

姓也。再西蜿蜒無名可指，直抵珍珠泉而止。此山之南有佛光寺，馬跑泉在寺前，約數十步。南對馬鞍山，一溝數村，有路可達檀樹廟嶺，以通登封，乃前峪也。此山之北為柏峪溝，水經流處有喬家埕、劉家寨等村，在馬乃後峪也。鷄鳴山之西有山西趨，約十餘里至口孜東南而止，為東萬安山。其高低起伏處，隨地異名。在三家店南者為簸箕掌，在宋寨南者為大廟嶺，在寨子南者為小廟嶺，在夾溝南者為胡芦嘴，在東口孜南者為九龍角。此山之南則後峪也。蓋此處之山東西橫者共三重，佛光寺之前後峪山為二重，皆馬鞍山之前案也。發軔處雖不同，而併為西趨，故兩叙之。

(七) 萬安山 五

萼嶺口東逾嶺為大口，乃古轅轅關也。此關鑿山開道，長百餘步，寬四五丈，高六七丈，石壁峭立，若車箱然。自古以為險也。再東則為摩

天嶺雄據東南形稱其名東腋為刁家溝沿溝為虎頭嘴西腋為蚯蚓溝之東坡夾而北馳逾峽為土嶺坡坡西有青石巉岷其下為韓庄坡東延平有一嶺橫於東西腰有石廟一座乃乾隆三十二年六月二日所造者也逾此而東里許南北橫者為高凹嶺此嶺約七八里南盡於龍潭嘴北盡於狼窩嘴龍潭嘴之西為刁家溝屬偃師南為雷家們東南為永泰寺正東為太子溝為及子嶺為牧坡皆屬登封東溝之下有唐堽屬偃師唐堽之北有小分水嶺南為梨樹溝水經流處北為休水之起始也由此而東梨樹溝為王堽村屬鞏縣矣狼窩嘴東應草廟溝北應槐樹嶺與十六溝皆鞏屬也此嘴北端崖根即窟籠水發源處過澇方湧也西北有圪樓峪與土嶺坡相連屬遙望之有黃土數段若熟禾然即狼窩嘴之西土嶺坡之北黃石所粉化之土質也下與李家堽煤礦距甚近申而言之此處之山大

勢若二字龍潭嘴與狼窩嘴為上畫石神廟為中畫摩天嶺與土嶺坡為下畫南空處為刁家溝而甚長北空處為圪窰峪而稍淺故至石神廟起南可至刁家溝東可至唐崖西可至蚯蚓溝西北可至韓庄石神廟在高凹中心若樞紐然有路可達也

(三) 伊洛

偃師之河流以伊洛為主幹而劉休濬諸溪澗之水皆入之故今先叙伊洛焉洛水源出陝西雒南縣家嶺山一曰龍山東經靈氏永寧宜陽洛陽至故洛陽城東義井舖南在縣西三十里入偃師境經桑園頭喂羊庄古城塔庄岳家灘東二里伊水自南來入之伊水源出靈氏縣閭頓嶺流經嵩山伊水宜陽洛陽由伊關而北轉折而東又北至趙家寨在縣西南二十五里入偃師境流經香椿崖渡東北經佛灘頭又東流經段家灣北迤東二里許劉水澗自南來注之又東屈而北逕安灘西由王莊渡岳家灘渡

東一里許與洛水會洛水又東經棗庄渡楊村渡東休水自南來注之又東至孫家灣東潯水自北來注之又東至黑石關渡入鞏縣界又東即入黃河矣按洛水全長約五百里在偃師境者六十里伊水全長四百里在偃師境者二十里其水量寬度丈許或兩三丈或七八丈不定伊水畧次之河底均為沙水之深淺數尺或丈許亦不定也河內之船以小象鼻船為多每船載重五六千斤其所運者或煤或糧或棉花或雜貨亦不定也下流通於山東上流則可達於靈氏焉故楊村河口之竹木筏多來自靈氏者兩岸土質鬆疎多水車井地

(三) 劉水

水無名也水之有名多因地起偃師縣南春秋時有劉子國為現在之陶家利地方其溪澗之水因以劉為名焉迨及後世國亡水存而

劉亦與水并存焉。劉旁加水亦後人所為也。查偃師之水除伊洛外，惟劉水幾占全境之大半，而究其實則劉水亦其中間一段耳。劉東之水為柏峪溝水，劉西之水為四道溝與公路澗水，因其下流皆入焉，故亦名劉。知其實者不以為然也。今詳說如下：劉水之源發於夏后寺以南之山澗，流經寺下，初名寺兒溝，河西北經任財村、靈村，水甚微，而有時涸。又西北至雙泉，單泉下之溝，岔中適孫寨之水來會，而又有數巨泉湧於溝之左右，遂成為濤濤巨津矣。所謂雙泉、單泉，淵而不流者，原在溝上而不遠流，與此溝中水固無涉也。此水北流里餘，經齊家埧，則溝中有灌田矣。又西北二里許，至楊家水磨，則水之作用更著矣。迨至陶家村北，劉城故墟之下，姬家水磨處，則正南之公路澗水與西南之合水來入之。公路澗水發源於董村百步嶺北半里許，黃草谷堆之東溝，有所謂將軍泉者出焉。其泉依石籠湧。

出颺颺作聲沿岸瀉下北流而斷復過董村南溝之水其流又暢直
經董村寨西之楊家橋溝其溝深十餘丈順而北下經虎元崗之西
首翟寨郭村之間畧東繞石家寨歷銀李寨新石橋下北行偕四道
溝水而入於劉水四道溝水亦名合水發源青蘿山祖師廟下之四
道溝中西行經牛心山下之洪江寺前又西至山張之下宮合山張
西埕磨石山下瀑布泉之水由西南來會於百步嶺豹子嶺之間出
山而為乾河經鉄村馬寨曹寨下歷張大寨符家寨偕公路澗水而
入於劉水北流經程子溝崔河郝寨至陶化店柏峪溝水自東南來
入之柏峪溝水源出萬安山東峽柏峪溝中在縣東南六十里地流經楊樹廟西
折經後峪過喬家埕至珍珠泉此泉亦名暖泉冬溫夏涼深數尺方
丈許水湧如珠下流灌粳稻數畝稍西佛光寺前峪馬跑泉水自東
南來會之北流經石廠與黃大王墳前西峽溝水自西南來入之合

而北流，出山為乾河，經口孜村西北，過齊家塢、新寨等處，經緱氏西二里許，北過馬澗河，抵柏圪墻，轉而西折，皆為乾河。經吳家灣、邱家灣、河石漸，火泉復加多，水流既暢，而菜園、稻田漸亦加廣矣。又經緱氏鎮北二里，陳家河及造紙河，又西由王家河，抵陶化店南，與劉水會矣。又北繞景山之西麓，出溝至段家灣，則北流而入於伊水。此劉水之大畧也。

(孟) 休水

休水發源於唐堯之北首，其分水處為登鞏偃之分界，有井兩空，東為王堯之李樹溝水，東南與太子溝水合流而去。休水原為乾河，其源為山澗，猛斜而下，順峽北行，以至於檀樹廟東，有鞏縣草廟溝水來入之。該廟為七聖廟，現在廟前有檀樹粗兩圍，又尺餘，可謂巨矣。故曰檀樹廟，以前稱為草廟也。自此西拆里許，南崖有石穴，距地下

約七八丈口約丈餘即狼窩嘴之狼窩也俗以為紅孩妖精洞又西南崖根亂石玲瓏每逢雨滂有水湧出勢猛而巨其西崖上有石縫如斗距地丈餘遇大滂時有水噴出色赤而勢怪與孔籠水合而西流據土人云此水出時前期山中嘗作响聲嗚嗚然數日其水方出或又云隔山數峯與少林寺前之火室山水通若少林寺前之乾河有大水時其水由石穴入潛行山中出而為此也好事者尋之亦不得見但聞其潛流聲云云山海經云少室之山有休水焉即云此也怪哉又西乃見紅黃研子石則近李家塢之煤礦矣蓋自唐塢之分水處至李家塢皆順溝行至此方出峽也又西則經半佃寨又西則經雷坡而雷坡屬鞏南對三家店至此有三家店北寨外之茅嶺口溝水穿石峽而來入焉此石峽在溝中乃煉山石被水冲斷之石岸俗名為鬼門關者也又西則經鞏縣趙城之南原趙城與偃師之


剛坡相對查地形原係一嶺而為休水所冲斷者也自此遷迤西北而行至於滑城河岸多石灰埧滑城為春秋時之費滑在漢時為緱氏城治亦稱延壽城其城牆遺址在南岸上如今尚有存者分明可認也又西至桑家溝則有府店北河之水入焉此水上有三源最近者為靈泉久涸稍上至二龍溝其東南來者為寨子溝水其南來者為夾溝之旅停廟溝水皆由府店北河至桑家溝南而入於休也至此則休水與夾溝寨子諸水合而為一潺潺有聲矣因其上非雨滂之時則皆為乾河也又直北則經馬屯賈屯以至於石家溝而河中石子方歇又北則經顧屯李屯至迴龍灣方由畢家墳東出谷口由平原北行而入於洛蓋此河雖名為河自桑溝以上至於唐埧為乾河段桑溝以下至於石家溝為有水段自石家溝至洛為平田段上下數十里其形如乙字唐埧為首入洛處為尾而流行鴻溝中適為

輦僂之天然界限也。兩舊志均以口孜河為休水，其誤實甚。蓋古書難讀，記山水者，若非親歷其境，徒於故紙堆中覓左証，往往牽強附會，而致誤。今余於此水，乃抄山海經與水經注之原文，親步其源而記其畧者也。

(五) 鄒水

鄒水之源有二，一發源於龍泉寺溝中，北三里，其水非溫也。南流經溫泉之東，出溝，過張公橋下，東折灌田數十畝，其一為溫泉池水，在龍泉寺旁，其池面積為一畝三分，圍之以堤，旁植楊柳，西南隅設一石閘，以便放瀉池水。溝中之地，沿渠灌之，出溝折而西流，此崔公所創之惠民渠也。共分六排灌田二頃餘，已詳印山條下。然此二水實為一水，不過寺北之泉較寺前之泉水勢稍遜。過溫泉池時，相隔僅數武耳，出溝分為東西灌田若干，非遇雨潏山洪暴發，則此水不能

逾鐵路之橋以入洛此其大畧也。
 (完)全境水道直線圖



平疇段	有水段	乾河段	圖例

皇市系凡下公里

德封志圖下官

田畝

偃師之土地其畝數頃數雖屢有不同而大致無甚差別茲據光緒二十九年溫紹探任內戶北房所承辦之檔冊開列如左

全境內共經營地四千九百四十一頃四十九畝一分六厘七毫

與現在之地畝總數為四千九百二十頃者相差大許

上地三百二十七頃一畝五分五厘五毫

中地一千二百七十八頃一十九畝二分九厘一毫

下地三千三百三十六頃二十八畝三分二厘一毫

東鄉地屬平原

上地七十五頃三十一畝二分二厘九毫

中地三百二十八頃五十畝五分五厘四毫

下地三百十八頃八十七畝八分三厘二毫

西鄉地屬平原

上地一百一十五頃二十九畝二分六厘

中地四百二頃六十一畝三分四厘六毫

下地三百六十九頃九十畝四分八厘九毫

南鄉地屬高阜

上地四十二畝八分九厘一毫

中地一百三十四頃七十五畝四分九厘一毫

下地一千六百卅一頃七十一畝三分一厘

北鄉地屬高阜

中地九十九頃六十二畝五分八毫

下地一千零一十五頃七十八畝六分九厘

夾河地屬河灘窪下

上地一百三十五頃九十八畝二分二厘九毫

中地三百十二頃六十九畝二分九厘二毫

按全境人教共二十八萬九千三百二十九口若照全境地畝為四千九百四十一頃四十九畝一分六厘八毫計算每人平均該地一畝七分零六毫五絲三忽一尾

六 土質

偃師地質大部分為黃土層即北坡所謂印嶺自山陽視之有數峯近頂處微有石帶磷礳氣山麓則為土質多棉田登其頂則山陰為平行之高原間或間以溝壑若遊殿溝腦蘭庄牛庄楊庄東西蔡庄劉坡等十餘村居民數萬戶皆以耕稼為業而麥棉之出產不亞於平疇中部為伊洛灌流之區土質微有沙兩岸平原約十里其嫩灘地日久則皆變為粘土井丈餘深故景印之間沿河居民率鑿井灌

田收穫之豐較南北兩坡為加倍。但灘地每患何溢。河之溢也。不但漂没人畜。而水去泥留。地之低者。累年增高。積久則古碑僅露其首矣。或古廟僅見其脊矣。以此之故。近河居民。修築房屋。必先墊臺。有墊至八九尺。或丈餘高者。防河漲也。其土產物。詳後物產表內。河中沙質。帶黑星者為鉄。試置若干沙。用磁石粘之。則黑星多。吸收於磁石上。但分晰無法。難以取出。南坡部分最大。即以景山言之。雖號為山。實則土嶺而已。其土微白。井深。久居民。廣袤十餘里。為最良之棉田地。故太子陵之左近。棉田為多。再南則近山。土質微帶赭色。而粘性較大。農產物之成實較堅。故北坡夾河。景山播種子粒時。率用石滾碾其隴。至南坡則無矣。南北兩坡之土層。想亦係上古洪流時期。沖積所遺流者。但土多立頂。原因難詳。

水利

僊師素稱山邑，固無水利之可言。惟東鄉有溫泉，出自潯溪，號惠民渠，灌田數頃，其詳已載潯水條下。此外若後峪之珍珠泉，亦只灌田數畝，而劉水之水磨河，其上下游溪澗之中，面積畧寬者，間或亦有水能灌田，但不甚廣。夾河一帶，與伊洛沿岸，水脈較淺處，率有水車井，其井深約丈餘，上置齒輪，橫豎各一，掛斗三十餘，或四十餘，不等。用牲曳之，天旱則機聲軋軋，水聲滑滑，當坡地野無青草之時，而此則未麥油油，別有天地焉。每井約可澆地十餘畝，其井數雖無確切之調查，而全境之井地，據說者謂約有二百頃云，亦可謂之水利。近年來，緹氏鎮之西野，有新掘井數十空，深約四丈，每井兩孔相照，安水桶於滑車上，中開一道，用牲往還曳之，遇旱每日可灌田畝許，亦救旱之新法也。

第二編 物產

一 麥穀之屬

偃師地處中州，氣候與土質最宜農產。穀麥之屬，春季有小麥、大麥、扁豆、豌豆、油菜，皆於小滿前後收穫，而小麥之出產最為大宗。秋季有玉蜀黍、穀子、綠豆、黃豆、黑豆、高粱、芝麻，皆春種而秋熟。秋季之中，最近之農作物以棉花與紅薯為最多。棉花自從大貲沙廠林立後，手紡車失敗，機器盛興，而各地皆以種棉為出產大宗。近來復有靈寶棉花冠於全國之說，偃師與靈寶土質不甚差別，現亦頗知擇種改良，勉步靈寶之後塵。最近棉花生產合作社又成立，其進步之速，更可預卜矣。至於紅薯一項，其作用之大，已久為農家所公認。故種者日益加多，而近山一帶，至於春季，每家恒有壓母千餘斤者。發苗後，除自栽外，獲利頗厚，以故農家春日之用度，視此為八項大宗。初

夏之間。口政府店。每逢集日。售苗者羣相隨也。此外若福則惟有水田稍有之。若蕎麥則惟秋穀無苗者。少種之皆不成宗。

(二) 蔬果之屬

蔬菜為農作物之副產品。偃師灘地。或澗谷中。水較淺。能常澆者。凡葱。韭。芥。蒜。菸。茄。芹。莧。蔓菁。蔓菁。蘿蔔。蒿。苣。胡。荽。蘘。香。菠。蕪。壺。靈。瓠。黃。瓜。菜。瓜。冬瓜。葛。瓜。眉。豆。菜。豆角。金。針。銀。條。秦。椒。皆。種。之。南。隄。內。有。藕。果。之。屬。凡。桃。梨。杏。李。柿。子。棗。梅。子。石。榴。林。檉。西。瓜。甜。瓜。到。處。有。之。花生。甘。蔗。菸。草。亦。有。種。者。但。不。甚。多。木。之。屬。凡。柏。檜。楊。柳。椿。檣。榆。槐。楸。桐。桑。楮。棟。皂。莢。亦。到。處。皆。有。而。灘。地。多。楊。柳。坡。地。多。榆。槐。此。其。大。較。也。近。來。亦。有。植。德。國。槐。者。但。只。宜。於。園。林。點。綴。風。景。其。木。則。不。甚。堅。藥。之。屬。凡。柴。胡。防。風。沙。參。車。前。子。羌。蔚。子。細。辛。艾。山。藥。遠。志。紫。蘇。花。粉。瓜。萎。葶。藶。薄。荷。蒼。朮。芫。花。地。丁。地。膚。子。黃。芩。連。壳。菖。草。戴。參。皆。

產焉。惟人烟漸稠，山中搜尋殆遍。近惟防風、連壳、柴胡、黨參尚不甚。火、花之屬，凡牡丹、芍藥、紫薇、鳳仙、合歡、竹、梅、菊、木香、海棠、鷄冠、迎春、夾竹桃、忍冬、花、月季、玫瑰、紫荊、紅蓼、牽牛、粉子、夜合，皆有。但無特別著名者。此植物之大較也。奇草幽花，無甚關係者，概從畧。

附特產及土貨畧表

名	稱	地	址	狀	態
雪梨	遊	殿		色白味甘，不極	
桑梨	張	灣		味甘氣香，有棕色點	
白秋桃	符	家寨		味甘色白而大	
銀條	後	庄		色白條長	
梨	杏園	庄		樹多者每年售洋數百	
席	二里頭			該村織席著名	
名	稱	地	點	狀	態
蘿	菘	安	灘	粗大味良，購種者以該地為佳	
紅薯	口	攷	管毛	質堅味甘	
豆腐	城	北	埕	質細軟而味美	
柳	椽	夾	河與楊村	十月至二月為製椽之時，用作煤柱	
棉線帶	緱	氏	營防口	手巾錢帶皆織質粗而價廉	
棉布	各	村	皆有	俗名為家機布，格外壯實	

點心城內

糖質過大現亦有仿新式者

菸 各市鎮

紙烟出自高縣本地多吸水烟者

注 備 土貨未另立門故附於此織棉布者現多購置鉄機學織寬面細布惟從前之草藍現為洋靛所奪毫無種者利權外溢殊為可惜

(三) 動物之屬

僊師雖為山區而大部分為農田故畜類之物除家畜外野畜惟兔與狐與獾間或有之而狼虎殆絕迹焉家畜牛馬驢騾豕羊狗犬八種或飼以芻或飼以飯養之者既有不同而其用亦各殊惟羊則須近水草者畜之南山農家有羊羣者每羣羊八九十頭晝牧於山夜圈於牢為剪毛踏糞計耳豕則粉房與賣豆腐之眾多畜之禽之屬鷄鴨鵝皆家禽惟鷄之利大故畜者多野禽則有鳩燕鴉鵲雉山禽則有雀啄木鳥與其他則難詳也鱗介之屬則有鯉魴鱖鰻鱉虫之屬則有蚕蜂蛇蝎倒退而義國蜂養者亦有數家此動物之大概

也此外無關者則不詳。
 (四) 農產統計表

穀		豆		麥		類	
別	作物畝數	每畝收	共收穫量	備	考	別	作物畝數
大豆	在花地內種豆行		五九〇〇〇斤			大麥	二六三八九畝
小豆	花苗柿處補種		四〇〇〇斤			小麥	三一六八二畝
綠豆	一項花踏種秋	六〇斤	六〇〇〇斤			共計	三五三二〇一畝
豌豆	與麥地攪種約五百頃		七五〇〇〇斤				
黑豆	十頃零八十畝參踏種秋	一二〇斤	一二九六〇斤				
豆	花地內零種		五〇〇〇斤				

以現在頒行之新度量衡計

蔬 菜			瓜 類				類				
菠 菜	韭 菜	茄 子	白 菜	共 計	西 瓜	南 瓜	黃 瓜	甜 瓜	共 計	穀	雜 豆
二畝	五畝	五六畝	四五畝	一三三一畝	二〇〇畝	零星	三〇畝	一〇〇一畝	一〇三三三三畝	一〇二二〇〇畝	五七畝
一〇〇〇斤	六〇〇斤	二〇〇斤	五〇〇斤		一〇〇斤		二〇〇斤	一〇〇斤		八〇斤	一〇〇斤
二〇〇〇斤	三〇〇〇斤	一一二〇〇斤	一二六一〇〇斤	一二六一〇〇斤	二〇〇〇〇斤	寥寥無幾	六〇〇〇斤	一〇〇一〇〇〇斤	九一三一二〇〇斤	八一六〇〇〇斤	五七〇〇〇斤
									豆穀多係麥、糜或花地內種故統計不在數		

明說

塊

右農作物畝數共四千九百四十一頃四十九畝係照光緒二十九年溫任內地畝清冊成數計算現在畝捐為四千九百二十頃所差二十一頃餘未詳減於何時

	塊						
棉花	共計	紅蘿蔔	蔥	蘿葡	馬鈴薯	共計	銀條
一八二七四畝	一三三〇畝	二一〇畝	二〇畝	一〇〇〇畝	一〇〇〇畝	一一三畝	五畝
二〇斤		三〇〇斤	四〇〇斤	八〇〇斤	一五〇〇斤		三〇〇斤
二五六五〇〇斤	二三六八〇〇斤	六三〇〇〇斤	八〇〇〇斤	八〇〇〇〇斤	一五〇〇〇〇斤	三四三五〇〇斤	一五〇〇斤

(五) 煤產

偃師南坡萬安山下西至鉄垞東至韓庄順山一帶大抵皆產煤查乾隆三十二年至五十九年在董村南嶺開礦者有董鵬飛董際飛董鴛飛郭敦素等數人嘉慶七年至二十二年間在焦村南嶺開礦者有秦可畏丁撫謙秦永興楊法學李宗學馬承德等數人道光元二年間在董村董平安地內開礦者為董福祿楊茂道光四年在邢村東南嶺開礦者為楊茂道光七年在雙泉魏三元地內開礦者為喬保道光十四年在韓庄東頭自己地內開礦者為韓丙林十六年為楊鳳起十七年在韓庄韓成超地內開礦者為曲其平十八年在雙塔嶺劉文渠地內開礦者為孫棟十九年在三佳店東北胡嶺梁丑地內開礦者為胡金箱道光二十一年在雙塔南嶺薛登魁地內開礦者為段太咸豐五年亦有開礦者但姓名地址均未詳同治八

年在雙塔嶺開礦者為董新亭宣統三年在夾溝東坡喬同地內開礦者為喬廣富潘仙舫等數人民國二十三年在鉄瑤豹子嶺下開礦者為張裕和綜而核之自清乾隆至今約百五十年中開礦者二十餘次皆工房有卷可考者也雖其間有以風水興訟者有以抗稅被封者有因水灌歇業者有因煤盡散夥者事各不同紛隕膠擾不暇詳載而吾先民對於開礦之積迹固可見其梗概矣此吾所以至董村雙塔韓庄等處而見其所遺留之黑土不禁數為徘徊焉但其開採皆用土法嗣後若用機器採掘則地之寶藏不慮其不興也今據採礦者言而製為煤礦斷面層表如下


煤礦斷面層表

第一層黃土十四丈或十一二丈青石多在赤	第二層黃研石厚丈餘	第三層青研石厚二丈許	第四層五色研石丈餘	第五層豎石方塊每層又許約有七八	豎石粗如雞安厚二	養煤香土天棚石東色大小不一南上坡西	層	地花石俗名雞爪石為鉄質
--------------------	-----------	------------	-----------	-----------------	----------	-------------------	---	-------------

煤礦斷面層表

有夫大石者

層



備考

青石夾火石為煤線即苔石也每見苔石之處恒有五色研石露於地面俗云苔石平百步零苔石徒根邊求地花石薄厚不等約二丈餘自此以下為鐵礦俗名老苔欲掘第二層煤者非過此不可夾溝礦深二十丈山脈礦深十五丈

石廠

印山西自郭墳偏西之羊鼻梁骨東至墳庄正北之黑山凹其山之腰皆產石色微紅東蔡庄與郭墳業此者頗多杏園庄與五龍廟溝亦產石色皆紅而石廠最巨者為孫家灣溫泉之北溝與岳瀆廟溝啟石者恒數十家石皆豆青色屬火成岩有上下紋而無橫層土孟

之下繼以紅石厚二三尺紅石之下其石堅硬微帶綠色斷面甚齊故其廠中石崖高四五丈長數十丈削壁如切取之者鑿力與炸力兼施距河五里每方運至河岸為價洋十二元凡河工路工皆取材焉萬安山之石廠計有三處第一為銷村南山豹子嶺之石廠其石為水成岩之青石質純而有層大者可為坊小者可為碑凡簷石井臺皆取材焉銷村與楊馬村依此為生活者不下數十戶故由來善鑿字者以此數村人為最多第二為四道溝據宋代之採石記碑每次修陵工人数千而採石以萬計如今其磨崖處尚有石刻當時採石之盛狀可想見矣第三為口孜河之左右岸其岸為萬安山之中斷處東西各有石廠數家其廠或在山腰或在山足要皆以其石層之厚薄與般運之路徑為衡耳所取亦以碑材簷石為多此皆就以石廠為生活專售石者言之耳若其他零星石廠則皆為農家自備

鉄器暇則相石層而自起之。以為築室之需。為數不計也。近來產石之區。多有築石室者。其規模之巨。有一瑤而連數孔。有窓有門。皆奇想天開。儘力計劃。以取方便者。東山之唐瑤。南山之後峪。皆有大石瑤焉。而二最巨者。為溫泉附近龍泉學校所建之玄帝行宮。其瑤大小相連。有數十間云。

地址	廠數	材料	距城里數	起石情狀	備考
銷村南山	二十餘家	建築材及碑	四十五里	青石分層厚薄不等	正月十三日見蓮往營防口會。賣者二十餘車。 該村車姓王姓刻字最有名
楊馬村南山	全上	全上	全上	全上	第四溝口為家陵起石處
四道溝	全上	全上	全上	全上	河二論才購此石無量數
溫泉溝	三十家	建築材石為 駝皮青	東十五里	用炸或推	
岳黃廟溝	全上	全上	東十三里	全上	
五龍廟溝	十餘處	石色紅作建築用	東十里	全上	俗云此溝石不待候。河大王。河上無用者

首陽山下	全	上	石色赭作建 築用	西十二里	全	上
黑山凹	沿山腰皆產石 赭色堅甚	西二十里	全	上	山之前後皆通車路	
附說	山坑壩北溝產灰色細質磨石各雜貨店多寄賣者					

七 石灰

石灰為建築所必需，僮師有乾河三道，河中青石累累，凡燒灰者皆取材焉。其一為休水河，而灰廠在滑城，查此河發源於唐堞之北，河中富有石灰石，至石家溝而石方盡，其出山集中處在滑城也。其二為口孜河，而石灰廠在東齊家堞，蓋此河發源於柏峪溝中，亦富有石灰石，至邱家河而石方盡，其出山集中處在齊家堞也。其三為合水河，而灰廠在曹寨，蓋此河發源於四道溝中，青石滿河，至水磨河之附近，而石方盡，其出山集中處在曹寨也。休水下游有迴龍灣者，古名燒灰堞，而今無燒灰者，其河中純為沃土，絕無一石，或者古昔石

中在下、世遠年湮、下流之石盡、石河逾退、愈上、而下游僅空有其名、耶、據此地人云、地下每掘有亂石、層云云、此理難詳也、又查縣之西南有太尉崗者、其崗在經周之南、南麓為石樓溝、其人沿崗而居、約數十戶、而東首為偃師、西首為洛陽、崗之上有薄姬廟、而西麓有石灰、瑤數處、遠望之、皓皓可指、屬洛陽界、問之居人云、其灰係由青石所擊碎之塊所燒、色甚白、墁牆為便、以之建築、其堅不及於河石之灰云云、各處燒灰之法、最為簡單、其法用土窰一空、高廣約各八九尺、以石與煤柴雜其中、下留火道、燃畢、上封其口、煤力盡而灰即成、移儲別室中、為之枯籠、灰最好、用時以水沃之、即行粉化、其價值恆與煤相等、又查光緒二十四年、實業部來公文、調查土宜、擬設洋灰公司、縣中未見有覆文、現今中國北部產土敏土者、只有唐山等處、頗為可惜、

石灰埕表

所在地	取材何處	銷售何處	備	考
第七區滑城河	休水乾河之石	鞏德各村落	此河不遠入桑濟即為有取	
第七區齊家埕	口孜河下游之亂石	附近各村庄	此處之灰售不甚遠	
第六區曹寨	合水乾河面積甚寬	本縣西南各村	此河上通山張	
附說	查第七區孫寨溝中亦有燒石灰埕灰質甚佳但產量以行亦未遠			

(八) 鐵礦

自手工生產改為機器生產後，世界各國已公認富有煤鉄者為能握經濟之權衡。偃師之煤產既如前述矣，而鉄礦時露於地面，特人不知而委棄之耳。今將所見開畧述之，以備科學家之開採焉。縣之東南距城四十五里，夾濟村東二里，為宣統三年開採煤礦處。其溝中煤苔之上約十餘步，有鉄礦露於地面，寬約丈餘，拾而擊之，錚錚

然堅而其質甚強也。若行開採則固為地面所露矣。邑西南鄉有鉄
堽村者，距城亦四十餘里，而此村與山張數里之間，中隔豹子嶺，其
嶺下河身中為張姓現年所掘之煤礦也。煤礦之南約百餘步，河之
東岸為五色煤苔，而苔上河身中發現鉄礦，其形隆起而色赭然，廣
約丈許者有數堆，拾而視之，其量重而質堅，與夾溝之鉄礦無異，而
產量過之。據有經驗者云：此鉄堪作犁面用，未知確否也。前在休水
上游鞏偃交界李家堽煤礦苔石之左近，亦見有鉄礦，但黃矸中有
數窩，其量數皆不及豹子嶺鉄礦質之多耳。以此考之，或凡煤苔之
附近皆有鉄質也。余之識淺，足跡未到者，未敢遽言也。總之偃師鉄
礦質甚富，但缺有貲財者，設法採掘，或設鍊鉄廠，作為有用之器物，
以裨益於生民耳。若能鍊為精鋼，則更為無窮之利源矣。吾願留心
實業者，注意焉。

(九) 硝鹽

僱師之食鹽現行者有二種一曰海鹽其色微紅一曰潞鹽其色潔白現行之鹹來自汜水名曰芽鹹蓋鹹皆關於地質僱師無出產者惟硝鹽之出產稍稍有之不得稱爲巨宗也此述其情形如下城內縣府之東爲產硝地貧家婦女掃鹵土之帶鹹味者售於煮硝者煮硝者將土加柴灰用缸淋之淋下之水煮而冷之沿盆即自結爲硝芽集而蓄之可售於官硝局也所謂官硝局者乃前清防民之政策近則土槍無用而仍有官硝局者類皆無賴之豪民運動政府而加以委任來駐此地收買硝鹽例如煮硝者用洋六分買土一担淋而煮之得硝一升此一升硝售於官硝局得洋一角官硝局轉售於商人得洋二角此官硝局假官剝民之畧情也問其掃土之婦則大率貧無立錫者也此火硝也若皮硝則產於縣城之西南隅冬日清晨

婦女掃地上之鹹屑，儲以缸，用水沃而注之，冷即為硝，可熟皮用。而藥鋪之芒硝亦即此也。鹽則夾河之谷堆頭，或營防口皆產之。其製法與煮硝等，故名曰硝鹽。以此鹽之類於硝也。或曰小鹽，以此鹽之粒較海鹽浴鹽皆小也。然此鹽之味微苦，故其價恒廉，而售鹽者務以此焉。

(十) 其他礦產

縣西南距城五十里，豹子嶺上，歪嘴山以南，有所謂雞兜溝及銀洞嶺者。其左右各山皆沙成岩，而多石英，可為玻璃之原料。查此石色白而質堅，用硝溶之，可製玻璃。鄭縣之玻璃廠多此物也。俗稱為馬牙石，而不知其用之巨也。縣北坡山坑當產一種灰色石，質細而不甚堅，取為磨石，行銷甚遠。凡菸房與磨剃頭刀者皆取用焉。而舊志風土志未引硯史云：西都會聖宮石溪澗中，色紫理如號州石云云。文似

未完而今未見有取石以作硯者。豈人忽之耶。又查寨子溝土崖近底處有白土埭一孔。其埭橫及廣各數尺。上為立土。視之甚危。土人掘之用。孫埭壁色白而帶粘性。俗名之曰孫埭土。亦有用之礦物也。其他靈村溝中崖上有一種上水石。質虛而有孔。置水中其水浸浸自潮上。好事者置園中植小草於其上。望之蒼然可愛。乃仇石之類。別無大用。

(七) 陶冶

縣中陶冶惟磚瓦埭二十餘處。盆埭數處而已。其製法未有所進步。而日常所用之磁缸。出自清化。碗碟出自大冶。邑人不見有創作者。冶鉄之爐廠有三。曰營防口。曰娼家橋。曰石橋鎮。其所冶之鉄乃收買民間之破物熔而造之。不外車輪火爐稱錘火爐而已。其他機器之物未能造作。而所謂鉄匠者。率皆收拾農具之小鉄匠。每一集鎮。

約有鐵匠一兩家製造鐵鑿耜子等物。遇會則赴而售之。亦有能為驛馬釘蹄者。乃鐵匠之附帶伎倆也。其鐵匠之大者為能做水車井之鐵輪。其輪重約四五百磅。除穀為生鐵外。其餘皆熟鐵所鑄造者也。余嘗見偃師人遷至山西。家既小康。置有井田。特回故鄉石橋鎮造一鐵輪。由火車運往山西者。意者山西為產鐵之區。而其工匠未能造此耶。然此輪之製法。隣縣皆有。不獨偃師有也。查工房舊卷。見有光緒十四年鄭州河工時。知縣陸綱所辦運磚之差單。今據此製為一表。附後以備參考。亦以見河工之一瞥。

東屯	東四里	張拴	東屯	東四里	張拴
古城	西十八里	關改性	古城	西十八里	關改性
三門	西十里	袁旺	三門	西十里	袁旺
寨址	距城里數	寨戶姓名	寨址	距城里數	寨戶姓名
			寨址	距城里數	寨戶姓名
			呂家橋	西南四十里	史青雲
			姬家橋	南三十五里	姬順合
			丰盆	十八里	段榮澤

附說	高庄	西四里	王印	管毛	南四十里	張同心
	牛家庄	北十二里	牛助	廟前	南三十五里	關改性
	官庄	南三十里	王三木	雙塔村	南四十五里	范石頭
	老君村	南十二里	張清標	董村	西南四十二里	焦明
	緱氏鎮	南二十五里	李煥	口孜	南四十里	魯妮
	師象寨	南三十五里	王不照			

其辦法係先查各寨存磚若干，距城若干里，限期河南者送至楊村，河北者送至許庄。車價十里者每車五百，二十里者一千，三十里者千五百，磚有磚價。

何日果厚三月

二

研才久匡書

第三編 建置

(一) 城府附堤堰

縣城即周武王偃兵處，周六里八十四步，高三丈，厚一丈三尺。城壕濶一丈五尺，深八尺，未詳建於何時。初為土城，崇禎間知縣夏士舉砌以磚石，護城隄二，周九里十三步。西北曰白虎堰，元元統間築，以禦印山二龍溝水者也。東南曰王公堤，明隆慶間知縣王環築，以禦伊洛泛漲者也。康熙五十年，知縣蔣如昇重修。乾隆七年，知縣朱績志又重修，增高三尺，厚二丈，底濶三丈，頂濶七尺，高一丈六尺。堤柳二千二百卅四株。乾隆二十六年，伊洛水漲入城，朱績志所修縣志版片盡失，可見其水之大。而今堤柳皆無矣。民國二十年，水又破堤入城，縣府前街之房屋倒塌無數。今尚未恢復原狀。縣政府為漢時舊治，歷代仍之。四周皆臨路，惟西北一隅，隔有民房，今以大勢揆之。

其初必為整方形，後因屢變，漸為民占，而成為不整方形。此可為斷言者。如縣府之西南，有臨街小房數間，初必為貧民小販之賃居地。久則遞相授受，而成為民有矣。凡公所公地多如此者。其面積南橫除西南民房外，為三十步，北橫除西北民房外，為三十七步，東長自新開菜市直北，為五十步，東折橫為十二步，又直北為八十三步。西則惟監獄牆臨路，無方可步。今約計之，為十九畝餘。然不僅為此數。照壁之內，有石獅二，官箴民箴碑各一，大門左右，各有間房數間。為舊日之班房，今已廢。直北西為政務警察所，東為征收處，又北為禮堂，西為電話處，東為推收所，又北為二門，西為保安大隊部，東為科員辦公處，又北為法庭，又北為縣長辦公室及科長辦公室。新建之看守所，在法庭之東，監獄在縣府之西南，皆為一部分。舊日之土地祠、蕭曹祠，皆成古跡矣。

(二)公所

財務委員會在縣府之東南為修縣志館之舊舍清時為五里公局
上有匾額跋語頗詳今之修志館仍在其中縣府之西為舊關帝廟
遺址今其前院為縣醫院舞樓上為商務會中院兩廡為中山鎮辦
公所大殿捲棚為縣倉并經理處後院為保安第三隊駐紮所房舍
整潔建築宏敞西廡前有西府海棠一株春日花艷轟成巨圍今殘
甚可惜救濟院在西關外為西毫書院與晉濟堂舊址今院中分設
養老殘費孤兒三院育嬰施藥貸款三所經常費為田三頃餘貸款
存項若干此等慈善機關歷史最遠今尚存者幸耳縣立中學為城
隍廟遺址東連啟聖宮文廟儒學忠義祠節孝祠為一處房舍甚複
雜今正修築其面積南北橫約七十三步東西長各一百零三步總
計為七千五百一十九方步但其大勢全形如鎖南面臨街有市房

三處為人民私有者如鎮之中陶然約三畝其西北隅缺角為一水池約二畝除此其面積為六千三百一十九步以畝計之則為二十六畝二分餘亦可謂巨矣縣党部今在其後院教育局現設在舊當店內連女學校南北橫約二十八步東西界長約七十五步總面積約二千一百方步為八畝七分五厘建設壯麗樓舍廂厦宏敞莫儔為清初蘭姓舊宅後為山西婁氏設當店多年及至民國婁氏破產縣中公款存放當店者力莫能償今充為公所成為永久性矣縣立一小在東街為舊日兩程書院遺址清時為祭院縣內歲考每在其中今東連常平倉房皆為校址面積南北橫約三十三步長八十步共計二千六百四十方步約十一畝許公共運動場在城內東北與教育局縣中學相錯連南北長九十四步東西長八十二步計七千七百零八步除荒缺水池等約占一半外田賽可用者約地一十六

畝其南西圍牆共為九十五丈。縣立初小在城西北隅為舊日常平倉地。面積未詳。惟警察所無定址。向住當店之西院。現移住教育局對門。係賃民房。其他各區公所另詳。苗圃在西關係公田類畝數闕訪。

三 鄉鎮

全縣以前為仁義禮智信五里。清季改為十五區。迨民國二十一年又改為現七區。城內為中山鎮。查現行自治區域圖。全縣大小共村四百一十六鄉一百三十四鎮二十二茲為表如左。

一、區屬表

區名	所在地位	屬村幾	屬鄉幾	屬鎮幾	各鎮名	備考
第一區公所	城東蘭垆距城七里	三七	二一	二	光明、同濟	係舊第一區四區合中山鎮屬縣城
第二區公所	城西大塚頭距城十八里	五四	二二	四	文博、石橋、河澗	係舊第五區六區合
第三區公所	城南宮底距城十里	五四	二〇	三	顧縣、營河、綠氏	係舊第三區三區十三區合

縣志卷之...

縣志卷之...

師有和目書卷三

附說

二、市鎮表

名稱	所在地	已往歷史	現在情形	備	考	
第四區公所	城西夾河尚庄寺距城二十里	四八	一八	二	喂羊、養濟	係舊第七區八區合
第五區公所	城西南大屯距城二十八里	五〇	一七	二	段灣、高龍	係舊第九區十區合
第六區公所	城西南浮山距城三十三里	七六	一五	二	大口、浮陽	係舊第十一區十二區合
第七區公所	城東南維山昇仙觀距城四十里	九七	二一	六	府店、扒頭、半坡、管毛、萬安、縣轅	係舊第十四區十五區合
中山鎮	城內	東西大道商業數十家	鐵路通後生意較前發達	洋紗販自鄭州雜貨販自洛陽麥粉由火車來出產為棉		
光明鎮	城東北十八里溝腦	只商業數家有郵政	與前無別	此鎮非通衢故商業不盛		
同濟鎮	城西北十五里牛庄	商十餘家土產交易	與前無別	此鎮較光明鎮商業稍繁		
文博鎮	城西北廿五里東茶庄	商業十餘家	與前無別			

石橋鎮	城西二十五里	商業二十餘家	花莊較昔為盛	此鎮四周皆棉田又近義井鋪車站故棉業盛
保定鎮	城西二十里南蔡庄	商業十餘家有郵政	與前無別	
阿衡鎮	城西十五里新寨	臨河又通大道煤市盛有郵政	與前無別	此鎮南濱河羣煤來者頗易
顧縣鎮	城南十里	清初設市有碑商業八九家	與前無別	此鎮半灘半坡故菜棉市盛
營防鎮	城南十里	南北大路生意八九家	與前無別	此鎮無巨商只土產貿易
猴氏鎮	城南三十里	商業二十餘家有出陝花布客	與前無別	此鎮無巨商只土產貿易
喂羊鎮	城西二十三里	商業八九家	與前無別	此鎮北面臨洛
襄濟鎮	城西十八里	公上	與前無別	此鎮南近伊水
段灣鎮	城南十八里	商業二十餘家	與前無別	此鎮人口之多為全縣冠
高龍鎮	城西南二十二里	商業十二家	與前無別	此鎮素產香油著名
大口鎮	城西南三十五里	商業十餘家	與前無別	此鎮西南近水泉口登封米麥販能
浮陽鎮	城西南三十三里焦村	商業六七家	與前無別	此鎮東無寨門南接董村西接樓村

懷州府志卷之六

州說	府店鎮	城南四十里	商肆二十三家昔有山陝客商	土布不行客商絕迹	此鎮有山西程氏設天元為棧道房宏充足徽繁盛
	批頭鎮	城南四十五里	商僅數家	與前無別	
	半坡鎮	城南五十里孫家坡	素日無集	純為農戶	南臨山交通不廣
	管毛鎮	城南四十五里	商只七八家	與前無別	單日集
	萬安鎮	城南四十五里	商店二十餘家	紅薯集較昔為盛	山口常有登封商販
	鞏轅鎮	城東南五十里	商業數家	與前無別	登樓大道氏十七年九月初二日遭匪突毀甚

(四) 道路

東西大路由印山下石圪節入境經孫家灣歷縣城過新寨逾蔡庄至義井舖入洛陽約七十里乃唐天寶七載河南尹韋濟改印嶺義堂路而為此路也在昔為首陽驛之官道今為長途汽車之正路因

與火車并行也。此外由城而南，過楊村渡，逾景山，經府店鎮，而東南至茅嶺口，以入登封，亦舊日之大道也。特因茅嶺坂之山路易壞，欲通汽車，非常修理，難免險阻。南坡之大路，其東西者由茅嶺坂下府店西，經韓氏鎮，再由香椿崖渡河，歷王七公庄，再西至翟泉鎮，與北大道相會，以入洛陽。此三路者，適成為三角形焉。其他農民便道，阡陌縱橫，不暇詳也。現在通用之車，以轎車為最濶，惟富家則有之。在車站拉脚之車，為趟子車，式與馬車同，而構造畧次之。農家用車，有牛車、騾車二種，皆鉄輪，不甚高。又有馬車，其輪畧高，轅杆皆直，以防坡。因路多崎嶇也。若豫東四輪之太平車，則絕無之。近數年來，風氣大開，年久者多自行車，若汽車則亦絕無也。

(五) 橋梁

縣南多澗，故橋梁亦多。伊洛兩河，昔楊村、王庄、香椿崖各渡，冬有

作日身月二不

橋社所建橋梁而今無矣北坡惟有溫泉一橋橫架潯溪之上餘惟四關有橋數孔耳茲為表如左

名	稱	所在	地	工程及形勢	歷	史	及	備	考
迎仙橋		南關	依堤路	石橋高丈餘長四丈寬二丈	乾隆十九年知縣王垂絡與邑紳創修				
二龍橋		西關	依堤路	形勢同上	亦王公率紳等修二橋相離百步故俗名百步橋				
雙鳳橋		東關	依堤路	形勢同上	創修人與時皆同上				
溫泉橋		城東	十八里潯灣	鐵路北東西大道高三丈餘長十丈有石欄	崇禎年間邑人巡撫張其平建有碑大書曰張公義橋				
望仙橋		治南	四十里府店東	石橋跨南北湖高八丈長七丈西有石路	成化中高經創修隆慶中陳叔真重修道光時天				
望嵩橋		望仙橋	東半里許	石橋跨南北湖高十丈長七丈	嘉靖時鄉民張裝等建萬曆時重修康熙時重修				
新修橋		在	參駕店東	石橋高丈餘長二丈	碑殘甚細審之為成化二十年修額曰新修橋是此橋無名也				
通濟橋		在	四里坪東徑大口路	石橋頂基以上補修高四丈長七丈水由南崖洞出	萬曆年間里民丁林鐘與弟應鍾信修				
夾溝橋		在	右南四十五里夾溝西門外	石橋眼土身石翅高八丈長十餘丈車能并行	雍正十三年喬欽喬九昭倡捐重修民國六年余元大人又倡捐重修				

廣濟橋	在顧縣西門外	石橋高三丈長五丈	明高思建
通雲橋	在顧縣南一里	石橋高約十丈長約六七丈	清郭林秀始為土橋雍正中改為石橋氏五年 西俊三募重修 監生蕭廣生建
甄橋	營防口南一里	跨澗深二丈南北通路臨 坡崎嶇不平	
經州橋	治南五十里肖村西寨 之西	土橋高約七八丈長二十丈 損甚水靠西崖洞出	張希賢重修此橋未見碑橋東半淺西半深 重修似易
白雲橋	治南維氏東鎮	石橋形勢堅固寬平履 者不知為橋	明嘉靖間鄒氏戴邦募建道光時重修有 李萬餘碑文
牛澗橋	治西南三十五里即姐 家橋	石橋兩層橋孔高約十丈 長七八丈	姐奉指初修土橋乾隆六年姐宏緒改建石橋
楊家橋	在董村西門外	土橋高十二丈長十丈寬 僅可通車	此橋下有清流湍狹而深臨橋悚然
公路澗橋	在銀李寨公路澗上	石橋高三四丈長十餘丈車 可并軌	民國初年里人武敬初倡募初建
慶餘橋	在鉄村南	石橋高五六丈長五丈	清嘉慶十三年里人鉄楚白倡修建有方被碑

附說 鉄路橋最多茲不詳也城東北西北各有橋一孔殘費無作用亦未載

(六) 關津

偃師南境以萬安山為屏障西南有水泉口東南有萼嶺口皆為入

偃師縣志卷之五

登封之孔道。山途險峻，有關可據，無論大小戰爭，咸注意焉。若五佛山東之樞樹廟山口，懷州寨下之峽門口，牛心山南之封門山口，銀洞嶺之椽樹廟山口，皆險若羊腸，僅通行人，為通登邑之便途也。行盜者每視為隘塞，縣之東有黑石關，屬鞏縣界，據水為險，今有汴洛鐵路，修為鐵橋，宜已化險為夷矣。然兵家為便於攻守計，遇必要時，斷軌而據，兩岸對壘，儼成焦點矣。若北則印嶺為平坡，到處可通，除黃河天塹，雖遠可恃外，與西方平坦，固無險峻之可言也。其津梁渡口，屬伊洛者約十七處，曰魚骨，曰古城，曰喂羊庄，曰紙庄，曰新寨，曰塔庄，曰岳灘北渡，曰香椿崖，曰小砦，曰顧縣，曰王庄，曰岳灘南渡，曰棗園，曰楊村，曰山圪堵，曰張船，曰石家庄，皆為一葉孤舟，往來濟人之所，而最大渡口為香椿崖與楊村，因其為大道路也。餘則為種田赴市之津梁，設船一隻，以便往還。其榜人多為附近農家，收秋斂夏。

之所供給耳。不過渡口大者，其收貨地方較大。若楊村渡，則南北兩坡數十里，皆為其收糧區域也。凡過河者，除客商外，本縣人皆不納錢也。

(七) 交通

偃師境內之鐵路，為平漢路支路之一段。由黑石關車站入境，至義井鋪車站出境，其長為四十六畝羅六百尺，合華里為九十三里。由比國人錫幾賓於光緒三十年開始測量，動工於三十三年。通車於三十四年。其車站在偃師境者有三，在東者曰黑石關，為由鞏入偃師處。西曰義井鋪，為由偃師入洛陽處。中曰槐廟車站，在城西五里許。沿路橋梁頗多，無須載也。此路初名汴洛路，為借比款所修。後由國人以五百萬款贖回，今屬隴海路。其已成路東通海州，西通華陰，不久即可抵西安矣。自有火車以來，雞蛋之出路，棉花之運銷，雖甚

便利而槐廟車站距城數里夜中下車者屢被匪患亦為可慮者也
電線之設久矣惟無電報局有事者須往洛陽或孝義殊不便也近
來始有電報處矣環境電話設於民國十一年間後毀於兵匪至民
國二十二年又復設立其總局在縣政府禮堂西舊日之蕭曹祠內
城內各機關與城外各區皆通焉郵政之設在光緒年間城內為二
等郵局城外之東蔡庄南蔡庄新寨鎮喂羊庄大口鎮緱氏鎮口孜
鎮府店鎮轅轅鎮營防鎮段灣鎮黑石關濬腦牛庄皆設有代辦所
平信就近即可投也惟免取款項非往城內不可民國二十年由縣
黨部購來收音機一座現設黨部每夕由收音員接收南京播發新
聞謄錄一紙貼於十字街

八陵墓

唐沈佺期印山詩曰北印山上列墳塋萬古千秋對洛城城中日夕

歌鐘起、山上惟聞松柏聲、明薛瑄過北印亦有詩曰、北印山上朔風生、新塚累累舊塚平、富貴至今何處是、斷碑零殘野人耕、二詩皆說印山多墳墓、以哲觀發出無限感慨、可為富貴熱中者鑑、然其墳墓之多、應在土婁以西、近洛陽界、高塚危然、望相接、屬僊師者、蔡庄附近、與高龍左右、皆有大塚數箇、現尚無名可指、茲就其著名者、畧舉如左、以備言地、歷者之一格耳、非博古也、

名	稱	所	在	地
湯	陵	印山在城東北八里		
魏王弼墓		在城東五里		
許遠墓		在城西五里堡		
杜預墓		城西土婁北、鐵道南		
魏文帝墓		在覆舟山之西		
名	稱	所	在	地
田橫墓		城西赫田寨		
周長弘墓		在城東十里化碧村		
伊尹塚		城西八里		
晉陵		潘屯西、數大塚、云是晉陵		
劉海賓墓		華庄與溝口頭之間		
名	稱	所	在	地
夷齊塚		城西三里首陽山上		
顏魯公墓		城東北三里		
杜工部墓		城西十五里土婁		
晉荀岳墓		城西十八里墳庄		
表安墓		城南三十里辛村		

唐孝敬

在景山

唐畢構墓

在史家灣東

元陳天祥墓

在郭村南

燕欽融墓

在長宏墓稍東

漢杜子春墓

在邑南官庄

武虛谷墓

在城東化碧村嶺上

葛從周墓

在槐廟西有碑

唐杜并墓

在城西大槐村南

左貴孀墓

在墳庄茶庄之間

附說

據右表皆名人墓故清表枚過印山有詩曰山路巒岷峨輕車山下過有詩吟不得此處古人多末一句懷古情深如見

第四編

政教

縣政

查民十八年六月公布修正縣組織法其畧云縣政府於省政府指揮監督之下處理全縣行政監督地方自治事務設縣長一人秘書一人並依事務繁簡設置一科或二科各科置科長一人科員二人或四人又得僱用事務員或僱員若干人並設置警察辦理催征送達緝捕調查等事項縣政府下並設局四一曰公安局掌戶籍警衛消防防疫衛生救災及保護森林漁獵等事務二曰財務局掌徵稅募債管理公產及其他地方財務等事項三曰建設局掌土地農礦森林水利道路橋梁工程勞工公營事業及其他公共事業四曰教育局掌學校圖書館博物館公共體育場公園等事項及其他文化社會事業各局局長由縣長就考試合格人員中呈請任用之縣政

會議以縣長秘書各科長各局長組織之區設區公所每區公所設區長一人管理區自治事務又得組織監察委員會以監察區財政并糾舉區長違法失職等事又得設區助理員并設區丁又得組織區務會議每月開會一次百戶以上之村莊地方為鄉百戶以上之街市為鎮鄉置鄉公所設鄉長一人鎮置鎮公所設鎮長一人管理各該鄉鎮自治事務并各設副鄉長副鎮長一人為襄理二十五家為閭五家為隣閭設閭長一人鄰設鄰長一人分掌閭鄰自治事務云云現在縣中編有保安隊財務局今改為財務委員會建設局今歸併縣政府鄉長今改為保長較以前稍有變更其大致仍無甚異

(二) 財賦

民國二十三年三月縣長楊兆鈞佈告云為佈告事案奉河南省財政廳第四四四六號通令節開案查各省市田賦正稅及附加等款

一律依照廢兩改元通案切實廢除兩石辦法改按照國幣徵收此令等因奉此查二十三年份丁地業於本年一月一日開徵并經呈報暨佈告各在案所有花戶應完正稅附加暨教育保安款捐自應遵照省令暨呈准原案改照標準國幣數目明白宣佈俾期共曉而資遵守合行出示佈告仰閭邑花戶人等一體週知自佈告後爾等赴拒完納務須依照後列各項數目分別繳納倘敢故違定即嚴懲不貸其各凜遵勿違切切此佈

計開

(甲)大糧 每兩改徵國幣銀元二元二角

一、省補助捐	附加元	一角三分
--------	-----	------

二、省補助費	附加元	二角二分七厘
--------	-----	--------

三、教育捐	附加元	二角七分三厘
-------	-----	--------

乙小糧 每兩改徵國幣銀元二元

一、省補助捐	附加元	一角五分
--------	-----	------

二、省補助費	附加元	二角五分
--------	-----	------

三、教育捐	附加元	三角
-------	-----	----

四、保安捐	附稅	一角三分六厘
五、地方捐	附稅	一角三分六厘
六、政警捐	附稅	一角一分四厘
七、自治捐	附稅	一角一分四厘
八、公安捐	附稅	一角一分四厘
九、建設捐	附稅	一角一分四厘
十、保安敵捐	附稅	四角九分三厘
十一、教育敵捐	附稅	一角零六厘
以上每元共完附稅洋一元九角六分三厘		
按每兩共完洋六元五角一分八厘五毫		

四、保安捐	附稅	一角五分
五、地方捐	附稅	一角五分
六、政警捐	附稅	一角二分五厘
七、自治捐	附稅	一角二分五厘
八、公安捐	附稅	一角二分五厘
九、建設捐	附稅	一角二分五厘
十、保安敵捐	附稅	五角四分三厘
十一、教育敵捐	附稅	一角一分六厘
以上每元共完附稅洋一元一角五分九厘		
按每兩共完洋六元三角一分八厘		

財務委員會編造民國二十三年度後期及二十三年度前期收支預算書

歲入門

科目	全年收入預算數	說明
第一款地方普通歲入	四三〇〇二元一〇	查本縣以前無預算卷宗可稽故前年度決算數無從查考比較增減暫付缺如
第一項 田賦附加	四一三六元一〇	
第一目 地方公款附加	九五六元一〇	本縣共有丁銀三萬一千八百九十七兩二十一年奉令每銀一兩附加洋三角應征洋如上數
第二項 建設附加	七九七元二五	二十一年奉令每丁銀一兩附加洋二角五分全年應徵洋如上數
第三項 自治附加	七九七元二五	全上
第四項 公安附加	七九七元二五	全上
第五項 政警附加	七九七元二五	全上
第二項 契稅自治附加	一五三六元〇〇	
第一項 契稅自治附加	一五三六元〇〇	此項宗卷不全按照成例每契價百元收洋一元二角每年收洋二千一百二十九元按十成分配自治四成約收洋如上數
合計	四三〇〇元一〇	

歲出門

第一項

二

總計

科 目	全年支出預算數	每月支出預算數	說 明
第一 地方普通歲出	四三〇〇二元 一〇	三五八三元 五〇八	
第一項 補助司法行政費	五二七二元	四三一元	
第一節 補助司法行政費	三〇〇元	二五〇元	二十二年二月奉財廳五七七號令規定每月二百五十元
第一節 補助司法費	四二〇元	三五元	此項每月奉縣府發款通知約支洋三十五元
第二節 補助省款司法費	二四〇元	二〇元	二十二年四月奉財廳一八七號令每月由地方款約支洋二十九元
第三節 補助遞解費	九六〇元	八〇元	二十二年五月奉財廳六二三號令規定每月約支洋八十元
第四節 補助囚糧費	二六〇元	三〇元	二十二年十月奉財廳六二三號令規定每月約支洋三十九元
第五節 補助縣政府辦公費	一九二元	一六元	二十二年三月奉財廳一四三三號令規定月約支洋十六元
第二項 財政費	一六八〇元	一四〇元	
第一節 財政委員會費	一六八〇元	一四〇元	二十二年六月奉財廳三二四七號令每月支洋一百四十元
第三項 自治費	八〇六四元	六七四元 五	

第一目	區公所經費	七七七〇元	六四七元五	奉省府九八四三號核定每月支洋九十九元每區動支二名每年服裝費洋十八元全縣七區共支如上數 二十二年十月奉財廳一〇七七〇號令准照舊月支洋二十七元
第二目	戶籍主任費	三二四元	二七元	
第四項	建設費	六五〇元	五四元二	
第一目	增添縣府技 術員書記	一四七六元	一二三元	二十二年奉財廳六一九二號令月支洋一百二十三元
第二目	苗圃管理員費	三三六元	二八元	二十二年十二月奉建廳三七〇五號令規定月支洋二十八元
第三目	苗圃農場費	九一六元	七六元四	此項每月奉縣府發款通知月支洋七十六元四角一分
第四目	收音員費	八四〇元	七〇元	此項奉令規定月支洋三十九元每月電料約支洋四十九元
第五目	度量衡檢定員	三〇〇元	二五元	二十二年六月奉建廳八六四一號令規定月支洋二十五元嗣奉財廳四三一〇號令准支照舊
第六目	解省水利費	三六〇元	三〇元	二十二年奉建廳六一三六號令每月還解建廳洋三十九元
第七目	解繳長途 電話處費	三六〇元	三〇元	二十二年奉省府令長途電話每月解繳洋三十九元
第八目	織工傳習所	八二五元	六九元	二十二年十一月奉省令七〇三〇號規定月支洋六十九元
第九目	環境電 話管理處	一〇八九元	九〇元八	二十三年一月奉財廳一四〇〇四號令每月支洋九十九元八角

何自昇月二...

四十一

師有存...

第五項	救濟院經費	四〇六八元	三三九元	此項預算已由民廳轉咨財廳核示
第一項	救濟院經費	一八三六元	一五三元	
第二項	縣立醫院費	一八〇〇元	一五〇元	二十二年奉民廳二三四號令規定月支經費洋一百元 醫藥等費月支洋五十九元
第三項	縣倉經理處費	四三三元	三六元	二十二年十二月奉財廳二八四號令准月支洋三十六元
第六項	警察費	五四六元	四五五元	
第一項	警察費	五四六元	四五五元	二十二年奉民廳三九二號令規定每月四百〇七元服裝費每人每年十三元共四十五人支洋五百八十五元
第七項	政警費	四六九五元	三九一元	
第一項	政警費	四六九五元	三九一元	此項卷宗不全每月支洋三百三十六元服裝費每人每年十三元全隊五十一人共洋六百六十三元
第八項	雜支費	九六元	八元	
第百	看守西城門費	九六元	八元	此項每月奉縣府撥款通知支洋八元均經月報呈廳
第九項	預備費	七二二一元	六〇一元	
第一項	預備費	七二二一元	六〇一元	此項係臨時支出各費因為預算所未經列入者須經呈准後方能動支

合計 四三〇〇元二角 三五三〇元八角

保安隊經費全年核定收入款項數目表

丁地附加三角捐 九八六元九角一
按丁地銀三萬一千八百九十七兩計算

臨時地畝捐 三四六〇八元三四五
按全縣共地四千九百四十四頃。三畝五分每畝征七分算

商捐 八〇〇元

總計 四四九七七元三四五

全年經常費 四一四八元

臨時費 九五三元
冬夏服裝費應支洋四千八百四十九元在內

歲支數 五〇六八〇元一角一

不敷數 五七〇二元七角五

教育經費收支總數表

丁地附加六角捐 一九二三八元二角
按丁銀三萬一千八百九十七兩計算

畝捐代征三角三分三厘

七四三二九〇〇

隨保安隊之地畝捐代征

契稅捐

七二〇〇元

合計

三三六七〇元二

歲支數

四五〇〇元

不敷數

一一三二九元八

附注

按上二表保安經費與教育經費其附加捐與地畝捐共為一元三角一分八厘同在丁銀每兩每年納洋六元五角一分八厘之內因此二項用度甚緊故另外造票催征但其不敷處過多根本解決非實行縮減不可也

民國二十三年徵收處計開丁漕額數表

項別		沿	革	額	數	備	考
地	額征丁地銀			三三二〇八	四四五		
	從前蠲緩銀			一三一	四四五		

漕 糧

附 注

實應征銀

三一八九七兩

現在所征之數

額征漕糧

四八九五石七九四八

從前蠲緩漕糧

一九五石一三四八

奉令核減漕糧

六一三石一二九五

何年核減未詳

實應征漕糧

四〇八七石五三五五

現在所征之數每銀一兩產米為一斗五升二合扣實為一斗三升二合四勺每斗價洋五角

查漕糧每年只征七八成因歲時豐歉不定從來未嘗征齊云又查漕糧為偏枯之複稅河南有漕者只五十六縣前經縣人陳又新同各縣代表百餘人運動豁免國府業已令准但未實行

附節錄河南省財政廳訓令財務委員會文

二十三年七月 廳長李文浩

國府六月八日令開取民有制古之常經立國以農宜固邦本國家頻年多故用度日繁各省市政府往往於正賦之外征收附加漫無限制農村凋敝職此之由自應積極整理以資挽救現經財政部遵

經 歲 入	員 教 職						數 生 學			數	
	俸 薪			數 人			共 計	女 生	男 生	共 計	合 班
	均	低	最	最	共	女					
							九一	一五	七二	二	二
二八四六	一三五三	八	二九	九四		九四	二八三三	三〇	二八九三	一二八	七
二二九五	八九三	三	一八	三六一	二	三五九	八〇四	二二〇	七七八四	七二六	四二
七二四八	三九二	二〇	二五	一八	六	一二	四三七	一六二	二七五	一一	
一六六七	一八九六	一九	二五	七一	二	六九	一七五四	五五	一六九九	五六	一〇
五七九六	一〇九八	三	二五	五四	一〇	五四	一三一九	四八二	一三六七	九三三	六一
二五九二	四六三	一五	六六	一六	二	一四	二三三	三三	一九九	六	
六九五八	一一九八	三元	六六	五六〇員	二二員	五四八員	一三三五一人	五一五人	一二八三六八	九二九班	六一班

設有初級中學一處、完全高小一十五處、初級小學縣立者三十二、私立者二百四十六、共計為二百九十三、民衆學校無定數、教育經費每年共約六萬九千五百五十八元、歲出七萬一千八百四十七元、不敷為二千二百八十九元、現正設法彌補云、茲有表如左、

班		校				項		校	別
班數	班生	共計	合校	女校	男校	別	別		
						幼稚園			
	一二一	三二	四		二八校	縣立	初		
	六七二	二四六	一八	四	二二四校	私立	級		
	五	六	二	一	一校	縣立	完	教	
	四六	一三	四		九校	私立	全	育	
	八四五	二九三	二六	五	二六二	共計			
	一	一	一			縣立	中	等	
	五	一	一			中學	教	育	
	八五〇班	二九四校	二七校	五校	二六二校	計	總		
	一八班								

臺灣省教育廳編印
 中華民國二十一年
 總計
 一八班

會議以縣長秘書各科長各局長組織之。區設區公所。每區公所設區長一人。管理區自治事務。又得組織監察委員會。以監察區財政。并糾舉區長違法失職等事。又得設區助理員。并設區丁。又得組織區務會議。每月開會一次。百戶以上之村莊地方為鄉。百戶以上之街市為鎮。鄉置鄉公所。設鄉長一人。鎮置鎮公所。設鎮長一人。管理各該鄉鎮自治事務。并各設副鄉長副鎮長一人。為襄理。二十五家為閭。五家為隣。閭設閭長一人。鄰設鄰長一人。分掌閭鄰自治事務。云云。現在縣中編有保安隊。財務局。今改為財務委員會。建設局。今歸併縣政府。鄉長今改為保長。較以前稍有變更。其大致仍無甚異。

(二) 財賦

民國二十三年三月。縣長楊兆鈞佈告云。為佈告事。案奉河南省財政廳第四四四六號通令。節開。案查各省市田賦正稅及附加等款。

費 歲出 一八〇二 二九一〇 七四八 一八九五 六二五五 二五九六 七二八四七九

附注 此表項目最繁全縣教育之統計大致已賅其中

二十三年度全縣高小及初中經費人數表

校名	常年經費額	學生人數	備考
縣立中學	一萬一千九百二十九元	二百三十二人	
縣立高小	三千八百元	二百七十三人	
縣立女小	三千四百四十元	一百六十二人	
牛庄高小	二千一百元	二百三十一人	
緱氏高小	一千八百五十元	二百三十四人	
首陽高小	二千元	一百二十七人	
緱山高小	一千七百五十元	一百六十一人	
扒頭高小	一千五百五十元	一百五十九人	

撫陽縣志

附說	官庄高小現年停辦查自教育費隨粮代征以來農村破產教育已趨偏重城市方面當其事者幸補救之			
青村高小	一千四百五十元	一百二十七人		
宮底高小	一千三百元	一百三十九人		
高龍高小	一千二百五十元	九十人		
浮山高小	一千一百五十元	一百九十八人		
石橋高小	八百元	九十五人		
東茶庄高小	五百元	六十二人		

(四) 保安

現在之保安隊乃民國二十二年由民團改編而為此制者其全年經費若干及不敷若干已詳財賦欄內茲將其編制大要列表如左

大隊部 第一中隊 騎兵班

官佐兵仗	額數	月薪數
中校大隊長	一	縣長兼不另支薪
少校隊附	一	七〇元
中尉軍需	一	三五元
中尉副官	一	全上
中尉訓練官	三	全上
少尉書記	一	二五元
少尉軍醫	一	二五元 <small>以上薪俸</small>
上士司書	一	二三元
修械兵	一	〇元
號目	一	全上
下士傳達目	一	九元

官佐兵仗	額數	月薪數
上尉中隊長	一	大隊附兼不另支薪
中尉分隊長	一	三五元
少尉分隊長	二	二五元
少尉國術官	一	二五元
准尉特務長	一	二〇元 <small>以上薪俸</small>
上士司書	一	十二元
中士班長	九	一〇元
下士副班長	九	九元
上等隊兵	一八名	七五元
一等兵	二七	七元
傳令兵	三	七元

等級	額數	月薪數
中士班長	一	一〇元
下士副班長	一	九元
上等騎兵	二	七五元
一等騎兵	三	七五元
二等騎兵	五	六五元
馬匹槍枝額數		
馬	一二匹	馬乾七元
步槍	二八枝	
駁槍	十槍	

營部隊員表

四二

營部隊員表

師...

上等騎兵	一	七元	一等號兵	一	七元	全隊官士兵伏額
傳令兵	三	七元	二等兵	二	七元	
一等勤務兵	四	七元	上等號兵	一	七元	共三百七十三員名
二等炊事兵	二	六元五	附注	第二中隊隊長月支四十元餘同第一隊第三中隊與第二隊同	七元五	
飼養兵	一	以上餉項				全隊士兵額
						共三百四十八名

附說
查以前之保甲之巡警之民團其經費率由民收及自改為官收每年收入四萬四千九百餘元尚有不敷洋五千七百餘元世變之劇莫此為甚聞現在已有縮編之令云

五宗教

民國以來雖云信教自由而國勢以儒教為國教者原以儒教宗師孔子其道之大如日經天如水行地足以包容他教而同化之故各教咸稱之曰大教現年國府又以孔子八月二十七日誕辰為國定

紀念日其尊崇之意可見矣其次為佛教就歷史言佛寺以府店之招提為最古而續氏之永慶寺在唐時曾設為禪院城內之聖壽寺宋時亦為奉勅所修而夾河之定覺寺青蓮寺與大口之大覺寺其建築皆甚早又據屢次出土之經幢言之在在皆為佛迹之左証人民之信佛固已久矣特以信佛僅留喫齋念經之餘習今之燒香會百十為羣恒棲息於古廟而莫為禁止更為流弊矣其次回教以馬屯金屯布家村周家寨為最多問其所從來則云係郭子儀叛回紇之所留遺者也其教設有清真寺請一二掌教者主持其中號曰阿衡其拜堂為一巨室中有一龕云奉穆含默德亦不設像朝夕朝拜誦經有五字為教規曰念齋課功朝旁有一室曰浴室備有許多銅壺以為盥洗沐浴之用其俗娶婦不用鼓樂葬埋不瘞棺木年節不貼春聯外教人有願遵守奉行名曰進教教內人不守教規者

謂之出教其墓碑或門首皆有回文字外人不知也余在清真寺見其共用之棺木前書曰後悔遲旁書曰人生在世誰能久住萬貫家產誰能帶去又書曰這箇走那箇走都要走睹此可以知其教旨矣近來又有耶穌教者分為新舊兩派舊教曰天主教設教堂於西關營防口僅有支堂而信奉者不多也新教曰福音堂設總會於城內之東北隅凡蔡庄維氏管毛皆有支堂信奉者較天主教為多其查經祈禱類於佛教其尊天悔過同於儒教惟其經支離妄誕神話太繁固於迷信無人改革實為可惜

(六) 文化

周禮正義

漢杜子春著

易注十卷

魏王弼著

西域記十二卷

唐玄奘撰并疏譯佛經七十五部

左傳義疏

唐徐贍著

正聲詩集

唐孫翌著

師說

宋李端伯著

存心堂集

清蒲提達著

課士各規學規畧

讀中庸錄

清喬廷謨著

黜浮屠論

自警錄

質心約言

清裴清修著

畏禮履後語

清周塔著

易說四卷

清李向芝著

南溪講義 緱山草堂集

明李肇修著

芙蓉山政紀畧 夢

國寶政錄 買山園詩集

清相之篋著

擬丹烟舍四書 坦莽詩草 公餘翰墨

永繪 古文詩歌 併休

清喬一房著 左絡

清呂鼎祚著 十三經要義 易史

表 共十九卷

清段長基著

授堂遺書 共七十六卷

清武虛谷著 易茂 周易溪提

行既集等八種

清裴希純著

四書講義 理學名篇 濟心堂文稿

記擇言 空谷文稿 詩草

清戴棠著

偃師西境考

清郭楠卿著 禮菴詩文集 四書

口義 五經詳解

清張爾繪著

禮宗 清張威著 百愚堂文集 十三經摘要

語拾詁

清劉槩著

尚書家訓 五卷

清董色起著

疆恕堂家規 一冊

稿二冊

清秦金燭著

張氏家乘 四卷

清張煥著

半瓶集

民國余先師楊景顏先生著 焯谷驗方 五

卷

余個翁武序谷先生著

熙園集 五卷 喬氏宗譜 六卷

民國余先嚴書郭先生著

楊氏宗譜

勉齋遺集 一冊

民國楊勉齋著

聽柏軒詩集 李氏宗譜

民國李權庚著

澗溪山房

詩草 一冊

民國李清直著

卷中系凡志是

四

卷中系凡志是

比居民

偃師居民戶約三萬八千八百九十八人口約二十八萬餘其鄉鎮村各若干已見前其村落情形大小不等有數百戶者有數十戶者有有寨者有無寨者其職業業農佔十分之八以上工商學兵次之其氏族繁蹟係明初由山西洪洞遷來者十居七八然其土著與新遷者率皆輕視譜牒世系多難考現在調查氏族尚無眉目茲粗舉大畧將其古姓著姓或希姓列注於左不啻萬分之一耳

畢 唐畢構之後
今住楊村

燕 唐燕欽融之後
今住楊村

杜 漢杜子春之後
今住蘇氏

杜 唐杜工部之後
今住東蔡庄

陳 唐玄英之族
未知孰是

李 五代李君綯之後
今住塔庄

朱 宋朱允庭之後
今住董村

褚 唐褚遂良之族
今住褚家庄

關 漢關夫子後
今住關庄

穆 河南九姓之一
今住岳寨

蘭 河南九姓之一
今住蘭庄

邱 河南九姓之一
今住邱河

賀 河南九姓之一
今住佛光峪

桑 五代桑維翰後
住桑溝今無

裴 清裴希純之族
今住府店

陳 元陳天祥之後
今住孫坡

蘭 明蘭便達後
今住蘭庄

薛 明薛憲之族
今住薛村

張 明張其平之族
今住張大寨

黃 明黃大玉之後
今住黃庄

高 明高維賢之族
今住顧縣

武 清武虛谷之後
今住城內

秦 清秦全燭之後
今住大口

邳 此亦命姓住夾海
今誤為晉

(八) 工商

竹匠 楊村業此者多
篋子等物

銅匠 此工為小爐匠
能收拾銅鐵

皮匠 布村馬也同教人
能造皮繩皮履

泥水匠 各村皆有學者
須投師傅三年

釘稱匠 牛家座人多
此者

糖房 各鎮皆有十日
二月歇業

暖房 此為大生座家
暖鴉子數十萬

喬 清喬履信之族
今住夾海

史 清史廷輝之族
今住史家灣

鮑 是否鮑叔牙之族
今住南茶庄

景 明景仲允之族
今住城北埠頭

銀匠 各市皆有首飾店
專造各種首飾

石匠 有起石做碑之分

織工 離氏附近織帶者
白織白貨行頗遠

補鍋匠 前後馬郡人多
業此者

釘斗匠 二里頭人多
能做斗斗

炒房 大雜貨店即為炒房
造點心

烟房 巨鎮有之
原料用密縣烟葉造水烟

董 明董景星之族
今住董村

任 清任大為之後
今住顧縣

寧 寧五龍之後
今住寧村

鐵匠 各市皆有一二家
能造農器

木匠 各村皆有能造家具

蓆工 二里頭人多織蓆
蓆者

木勺匠 桐木鍋蓋
柳木碗在灘人多業此者

土工 用竹篙担土填坑
挖壟郭填人最多

染房 鄉市都有買洋靛
染土布分重黃毛蓋二種

粉房 城鄉皆有取菜口
紅著等粉棧

段 清段長基之族
今住段灣

呂 清呂鼎祚之後
今住城內

結 此姓甚希
今住結樓

香房 城內有數家其料以木屑為之

油房 鄉鎮皆有為龍谷堆頭最多

絲工 蚕業失敗業此者不多見

花商 各市皆有惟職有機器色

土布商 現不成莊各市零售者曰布板

洋布商 此商較大名之曰京貨莊

藥舖商 各市皆有只賣中醫藥約

木商 楊村有小廠賣板來房料

鹽商 各雜貨店代售專賣者大

小布商 批貨甚雜担二箱俗名京貨

煤商 煤廠不多號煤曰煤販

雜貨商 各市皆有

糧商 各市皆有俗名行店

飯店 各市與大路旁皆有

成衣局 城內數家有機器

右列三十餘種職業皆與人民生活最有關係者賭此則社會之情狀已可概見矣勿云其瑣而忽之

第五編

禮俗

(一) 生育

凡子初生三天其父携酒肉親往岳家見婦之父母謂之報喜再候三五日婦之父母備小米冰糖乾粉芝麻鹽與小褥等物來探親謂之送小米麵此時男家之親眷皆來探視用籃携菜四樣或花布三四尺謂之送菜及將滿月有資產家願受賀者親朋聯名購以花布銀鑽果品彩紬等物往賀至則先吃麵即古湯餅之遺俗謂之吃喜麵後晏酒肉歡天喜地一家之人頗帶興旺氣象此時婦之娘家用人抬一木盒高四層周匝二尺餘中儲米麵銀貨花帽等物外用花布數幅與小兒衣數件蒙於盒上視之頗為可笑謂之送大米麵約定滿月之一二日即來接去住娘家迨數日後其男往接時娘家用煤模小兒面上一道謂之摸花狗以表慶幸之意此生兒之大概情

形也。惟俗重男輕女，生男者謂之大喜，生女者謂之小喜。此俗係自三百篇之弄璋弄瓦傳來，原以中國之重男統，其由也久矣。男剛女柔，男主外，女主內，亦皆基於此也。數月或將一歲，過春日則種牛痘，一次查種痘一事，最足增進人之健康。中西醫者無不公認為保赤良法。近來邑中慈善機關，或縣醫院等，每於春日即派人購新到豆漿若干，打散給鄉間，令其醫者就近自種，法至善也。但種痘後有燒紙神前謂之還牌之俗，仍屬迷信。

(二) 婚娶

男女數歲有媒人者，視兩家之門戶相當，即為之提媒。迷信之家，八字生剋之說，認之甚真。此為無謂之謹慎。近代科學昌明，此種陋習，頗知革除。雖女教尚未普及，自由結婚之制，未能驟行，而從前之諸多迷信，稍可以除矣。若男女之家，父母皆無他說，則擇吉交換允帖。

其帖式男曰不揣固陋、妄攀名門、倘蒙金諾、曷勝雀躍、女曰敬接冰
語、聯姻高門、幸蒙俯允、曷勝忻舞、其壓帖禮物、男者為綾緞、頭繩、粉
花、耳墜、戒指、女者酌以筆墨、摺扇、錢囊等物、媒人至女家則為麵條
至男家則為酒席、此俗所謂先過允帖也、近來有不過允帖即通啟
書者、其啟式為八面龍鳳、東男女皆先書謙詞、繼書籍貫、三代、年庚
命名及媒人姓名、畧帶証書之意、而毫無法律上之尖薄語、此吾國
風俗之所以厚也、通啟書後、迨男女成年、男宅卜定婚期、備數種禮
物、請媒人往女家送好期、隨帶一帖、其書曰、寅占於某月某日、實維
婚期、肅達貴府、仰祈裁酌、倘蒙俞允、曷勝欣幸、女家回帖曰、頃接錦
箋、幸蒙示吉、敬從嘉命、允茲以頌、將屆期、男家以紅箱二、中儲新婦
衣服、及首飾、褥被等物、外備酒一瓶、羊一隻、繖子百支、木盆內送
至女宅、謂之送箱子、亦曰送果子、酒、女家接箱子後、即將酒及繖子

分送親眷。親眷旋以喜元菓品等物為女家漆箱。屆期男家備具乘輿。請一健全夫婦為賓介。早起盛服。鼓樂前導。即往娶親。及至女家。男賓有向女家先人軸前道喜之禮。少停。女家款待已畢。問預備齊楚否。答云齊楚。男賓即先歸。少頃新婦之兄弟或姊妹將新婦送入花輿。女賓及一切送親者。即由鼓樂前導。熱鬧而返矣。及門新婿出迎。向轎作鞠躬三。爾時觀者擁門。男家用草節銅錢喜元胡桃等物撒之。謂之撒草料。新婦下輿。執事人轉紅毡布袋鋪地。以達天地桌前。為止。天地桌設於院中。桌上一牌書曰。天地三界十方萬靈真宰之位。旁置柳斗一箇。中儲以麥。挿以稱尺。杼等。搭以紅布。拜天地後。俟新婦梳粧畢。其婆抱柳斗授新婦。新婦接而納於屋內桌上。謂之傳杼。入夜親眷晚輩鬧房畢。新婿入房。設酒菜桌一。令夫婦齊坐。謂之交杯酒。禮畢。拜床。拜床畢。婦出胡桃菓品棗栗等物置盤中。新婿捧

出進於舅姑謂之擺盤。次日娘家携禮物來款待如昨日。第三日新婦出戶拜舅姑拜大小娘家來接謂之回門。午後早歸入厨房捍麩條鄰居親戚皆來喝喜麩。此為新婦入厨之始。而主中饋矣。

按婚嫁之俗各鄉雖小有不同而大致不外禮記納采問名納吉納徵請期親迎之六禮。六禮俱備而夫婦之體正矣。夫婦之體正而後父子之情親。父子之情親而後滋生繁。我國人口繁昌要皆儒教之賜也。即窮鄉僻壤其俗多合於禮者非有鄉先生引經據典常為指導於其間安能如是。

(三) 喪葬

人之病終先呼陰陽家寫殃狀貼於尸側。類多迷信語乃惡俗也。小殮時移尸草鋪上前設一桌供一雞曰刀頭雞。亡者口中含以銀質梅花面蓋以白綾以備入棺後寫作魂帛。枕以白布枕縫作鷄狀名

曰鷄鳴枕蓋棺時焚紙馬於門外子孫等痛哭送之及返執事者用
桌杜門不令孝子入執事者得靜穩蓋棺子在門外問釘一聲呼曰
勿驚連釘連呼非子女者不呼承繼者視此為分內事俗謂之避釘
誤也當此之時情最慘痛旁觀者鮮不落淚焉其棺木以柏木為上
桐次之楸又次之其厚薄分為二三四五五六等中產之家
率用桐前清時恒溺於風水家言有停喪不葬者近因時勢荒動遭
喪之家每於入棺之後親眷俱在即行成服禮喪事促急有遵舊制
燒七者有排七埋者由主喪者酌定也未殯以前主喪者朝夕每餐
必與家人聚哭供祭祭飯與生時無異及葬之日先期主喪者具酒
菜請執事人議事謂之請執客執事首領稱曰總管眾執事人稱曰
選工執事派定後屆期無論風雨鮮有誤事者打墓者雖多色工主
家亦常饋以饅頭故俗語云土工活多送饅因此人多係貧而勞力

者也。葬之日，出靈者搭棚於街前，謂之靈棚。棚前設以紙幡、香幡、紙扎、銘旌等物。所行禮目為晚饌、朝奠、捧帛、朝祖、慰勞、奠柩、遺奠等禮。儀式多用跪拜，而間之以哭。新禮較簡，尚未實行也。貧者不出棚，亦不行禮。普通喪事，午餐款客，雖亦有肉，但無酒。其菜為十碗，與尋常宴客者不同，以表戚意。其奠儀，親眷者用食盒，朋情者為刀蒸。若送輓聯、屏幃者，惟紳衿則有之。早起殯後，賓客送至村外，棺稍停，執事者揚言曰：主人謝客，則衆賓皆自返。惟主人全家送至墳上，兜媳持帚下穴內親掃之，謂之掃墓。下葬後，兜媳哭沿墓三周，謂之沿墓執事。人擁土封墓，孝子即回。至家後復返墓所祭之，謂之點湯。明朝又祭，謂之覆山。此普通之葬者也。至稍富者，則只有造神主，做墓誌，稍費周折耳。至於以葬親為招客之具，或演戲大飲，以鬧喪，或招僧以消災，則絕無此風矣。

按吾縣喪葬之禮，雖非全遵朱子家禮，而大體亦無背謬處。無愧為習禮之邦也。惟已嫁之女，其父母病故，未及大殮，先哭往婆家報喪，及遭父母喪，有出殯之說，至期全家鎖門外避，演出許多怪異，皆係陋俗宜革者。

(四) 祭祀

三年之喪，禮為二十七月。今俗皆滿三年，然後釋服，謂之三週年。女子已嫁，禮宜降服，多有隨其兄弟服喪三年者，過也。三週之期，貧者無客，只設家祭。富者恒招宴賓客，立碑掛匾，查此風行不甚遠。坊間對聯之本，關於三週者，不多見也。尋常祭祀，正月元日，必設饌於中堂，以祀先人。清明節前數日，用紙條掛墳上，設饌祭之，謂之上墳。其族大祠堂有祀田者，恒聚族拜掃，會食以享餽餘。平日先人忌辰，以家饌祭於神主前。十月一日，家家備油食，祭於墓，燒五色紙，謂之燒

寒衣凡春秋兩祭出嫁之女皆與焉年久者外甥多代之此祭先祖之大器也凡墓祭時女子多哭於墓者即年久者亦所不免其悵悽之情最足感人聽聞此追遠亦為厚俗之一種而人民繁昌之根本也觀風化者勿輕視之

四節序

正月初一日五更早起設饌於先祖肅衣冠拜之畢拜宗族以長幼為序及里黨親舊交相拜謂之賀年初二日新出閨女與其婿携饅頭禮肉菜品等物往岳家拜節路口多聚觀者凡女之戚族有欲請其婿者先送一帖曰新正月初二日潔治春茗候命賢坦光臨若主人不欲其婿往者亦回一帖曰新節不勞肅此預辭亦有不辭者因婿至岳家以請者愈多愈佳也初三四等日鄉鄰會宴者曰請年客初五日俗名破五早起送煤查於隙地名曰送窮初六日年節已過商

家早起掛彩放爆竹謂之開市十四日鄉間多搭神棚以供菩薩關帝火神財神及晚點燈盞謂之試燈十五十六兩日穿新衣喫好飯男女遊街觀燈或擲千秋謂之過燈節十九日亦如之謂之完燈學生上學早者為初六日晚者為二十一日二月初二日謂之龍抬頭此日剃頭為之剃龍頭清明以前各家多上墳者故以清明謂拜掃節民國以來改為植樹節三月三日俗名踏青節喜春遊者多於此日携酒肴聚飲田野間五月端午節門前挿艾貼鍾馗圖於門首以雄黃酒塗小兒耳鼻孔前期以角黍杏馬糖等餽親戚小兒多用五色線繫香囊或以雜糧少許戴項上曰老驃駝布袋以為健康之祝小女老人多以香囊繫衿上曰避瘟疫六月六日謂之雙月雙日行媒者多於斯日換啟書新婿亦於是日偕婦探親謂之望夏中秋節諸親戚以梨與月餅菓品相餽送晚飯後月初上時家家設案陳菓

品拜月、生意與學校公所多於是日公讌。九月九日為重陽節，登高之俗，惟學界文士多行之。十二月初八日早晨，未粥內雜以芋、棗、柿、子、蔓菁，謂之臘八粥。二十三日祭皂糖，曰皂糖餅，曰皂餅。拜畢將舊皂紙焚去，祝曰：「請你到天堂，把好話多說些，歹話不須提。」求老天爺把糧食收的足些。二十八、九日趕集，備年節物品。除夕易門神，貼春聯，燒火爐，放爆竹，將宅院中洒掃格外整潔。有終夜不眠者，謂之守歲。

(六) 香會

教育未能普及，而社會呈一種光怪迷離之現象，即地方之燒香會也。近城婦女每於三伏之日，集中於城隍廟中，男女溷雜，夜坐於地，背相對而假寐，其風流之婦，澈夜念經，或作捕蛾，推車種種之醜戲。民國以來，禁不輟，所以民國十六年毀神像時，惹出偌大風波。老

婆成羣將學生毆了一次。經縣長彈壓乃免。近來城內此會移於壽聖寺矣。西鄉之香火會恒於二月初九日聚於潘屯。迤北之上下洞夾河之香火會恒於三伏節聚於黃大王廟。南鄉之香火會恒於春秋佳日。社首率婦女等結隊鳴鑼預備號布及鉛箔等往登封之大仙溝老母洞。三皇寨燒香百十成羣。領袖者持一小旗為指揮。知禮之家不與焉。名曰行善實則為社會陋塞之現象。其所敬之神不曰無極老母則曰太上真人。非佛非仙。文士目之為啟母或為火姨。至於平日婦女所拜者多為南海大士亦稱廣生奶奶。村首之廟堂所在多有。村之大者財力較厚廟亦較大。而會場恒建有舞樓以為演劇之地。其會期錯綜參差難以詳述。董村之南有所謂牛心山者香火甚盛。每於二月十二三日即有士女上山者。東西各十餘里。沿途絡繹如繩。山上有功德主多為四方慈善之家。先期上山主持之。凡

祈子女者，禱時所許，謂之許愿。有所應驗，則為布施，謂之還愿。此會遠，澈教縣，布施甚富，故建築頗為壯麗。能文之士，亦多致意焉。其形勝，詳山水，茲不贅。

(七) 俗諺

跟着好人學好人，跟着尸婆子下假神。此語最好，勸人擇友也。不受苦中苦，難得

人上人。此語是勸人自立也。不怕慢，只怕站。此語是作事之格言。前三十年看父敬子，後三十

年看子敬父。此語最警策。不做虧心事，不怕夜叫門。此語諷刺最深。要想人不知，除非

己不為。此語可為自欺者戒。蠅虫過去也有影。按此語為自欺欺人者當頭棒。前人撒土，昧後人眼

此諺可為秀人之戒。東芽發，該種花。此諺與谷雨前後種棉花一語皆為種花之最要占時的術語。立秋不耙，妄犁一夏。言秋後果

地不耙，則土塊壘索然。天若不雨，則麥難種矣。嫁給雞，隨雞飛。嫁給狗，隨狗走。這兩句話最好，有夫倡婦隨之義。三十年河東

三十年河西。此二句是代表感，哀不帶。誰吃鹽，誰發渴。這話於受賄賂之人，後來被人告發者形容的最肖。上台

容易下台難。這話是說幹事的人，多是善其始而不能善其終。清早把午飯都吃了。這話是為

書下... 應付...

不知節頭頂西瓜皮受罪不渴。這話是自作自受的意思。吊起驢子教馬看。這是警一戒百，即二人行必有我

師焉。之意。得罪一個人是一堵牆。這是經驗語，此月篙趕船，此話是說人之作事太笨也。雲彩往東一

場風，雲彩往南水淹灘，雲彩往西被蓑衣，雲彩往北乾研墨。此觀雲以占天氣也。

有錢難買五月旱，六月連陰吃飽飯。五月正鋤花，即旱亦無妨，六月則田苗始長，尺餘最怕旱矣。頭伏蘿蔔

末伏芥，中伏裏頭種白菜。此話言種蔬菜之時也。冬倒谷堆夏倒線。此話是說夏之倒法，夏起熱易冬起熱難也。

天河南北孩離娘睡，天河掉那老飯豆角，天河東西該穿棉衣。有句言暑熱二

句言秋風三麻唧噥叫喚，暖得懶老婆戰戰，即老婦意也。拆拆洗洗趕明就起

飯，論穿還是粗布衣。此作促織語，欲人為衣為福以卒歲也。過了九月九，大夫高閣手。此言暑天宜小心衛生，必到秋涼而後可無病也。論吃還是家常

飯，論穿還是粗布衣。言粟肉不能照市，農家以樸為高。年年防旱，夜夜防賊。此語最警。天怕起秋

旱，人怕老來貧。這話見警。鄉裏沒繃筋，餓死城裏人。好告狀人多，是不聽勸解，倚門向南

開，有理沒錢莫進來。此二語勸人息訟最善。麥反青，打滿倉，穀子反青都是糠。此

麥將熟時，有時常翻查，每晨觀與午後若大不同者。

按俗言美不勝收，此畧採若干，以博農趣耳，不敢云備也。

(八) 歌謠

月亮地 勸上學也

月亮地，明光光，開開後門，洗衣裳洗的淨，捶的光，打發哥哥上學堂。
讀詩書，念文章，紅旗插到咱門上，你看排場不排場。
按此曲最普通，音韻亦好。

麻野雀 刺不考也

麻野雀，尾把長，娶箇媳婦不要娘，老娘背到後地裏，媳婦背到煤火
上，做成飯，你先嘗，烙油饅，捲沙糖，再去後地，瞧咱娘，咱娘變成屎，

按此謠將重媳婦姓老娘之俗情，寫的如繪，真是善於諷刺。

拍豆角 教婦順也

拍豆角，上南坡，南坡二畝好，豆角摘一籃，煮一鍋，公一碗，婆一碗，賸
下媳婦沒有啦，案板下藏一碗鷄子，過去踏欵，啞的媳婦紅了臉。

媳婦媳婦那怎啦胭脂粉搽的啦

按此謔自設問答
近於漢魏樂府

紅骨頭簪美田婦也

紅骨頭簪插滿頭我去舅家牽花牛花牛牽到家公公犁婆子耙

媳婦跟着打圪拉走路的休笑話俺一家做的好莊稼

按此謔行一箇田婦的
能力說的很大可見古

來女子非無用者
不可輕視也

黑老鴉刺薄俗也

黑老鴉胖肫肫我去婆家住一春外婆看見喜歡歡姪子看見愁兩

眼姪子姪子你莫愁豌豆開花俺都走

按此謔是興而賦也最警策是本二句
直呼其姪子而言之乃文章家之妙處

板橙歪

板橙歪梨花開唱小曲慢慢來東遊看西遊看官家大姐好打扮紅綢

子袴子配藍衫爺姓張娘姓田哥哥開着印花店札花袖頭配金蓮

此謔胎息
洛中賦

桑木弓 彈化回

桑木弓羊皮絃，桑木錘削的圓。一斤花八箇錢，多了俺不要，少了俺不彈。為親戚彈了吧，貼貼鏡鏡貼貼鏡。

此語為賦體，描寫的有聲有色，其子句甚神，淋漓盡致，亦一字不遺。

一匹小馬 遊仙詩之類

一匹小馬氣勢精，玉石鞍子黃金鐙。青絲絡頭雙踢纓，天藍坐褥紅滾繩。騎上小馬走一程，一走走到天宮裏。碰見天宮天仙女，俺倆拜成乾姊妹。我為姊，他為妹。見了妹妹沒甚給，把這小扇給了你。這把小扇也不大，三千銀子才買下。拿到北京裱一裱，拿到南京畫一畫。一面畫就二十四箇金黑蠟，一面畫就牡丹花。你把小扇拿在手，等到來年再玩耍。

此曲富有表現能力，把一匹小馬與其贈物之情景寫的如繪。

槐樹槐 刺不良子弟

槐樹槐樹涼，下搭戲台去教三姐看戲來。不知三姐來不來，尋箇

女婿不成材，歪戴帽子，踢拉鞋，又吃烟，又打牌，鬧的一家八家過不
上來。此曲借一女子口吻，將一箇敗家子弟形容
逼肖，足以為戒，是有益風化者。

文明棍刺者紳也

一根文明棍你拿着，二餅眼鏡你戴着，三炮台烟你吸着，四季衣服
你換着，五區老總你當着，六圈麻雀你打着，七錢二分重銀元你花
着，八班衙役你通着，九九歸一你是什麼人。此語為紳士
照有益世道

盤脚盤收效也

盤脚盤盤三年，拴意馬，定心猿，不為聖，便為賢。聖賢學問，須足靜中，方出端倪，
然後可以動而不妄，不意治心之學

從歌謠見
之奇甚

按童謠流傳日久，無人整理，今所存者，多是瑕瑜互見，不盡可錄。如
小槐樹灣三灣，如黃狗黃狗你看家，皆人人能念，特其詞旨不甚完善，
故皆未錄。又查各童謠帶女性者過多，亦是特別處，未詳何故。

偃師縣風土志略序

本縣古亳邑成湯都會也周武偃師於此始易名位於鞏洛之間為周漢畿內地南北嵩邙夾聳東西伊洛交流土地肥瘠風俗文野非有志載專書鮮有知其底蘊者縣志為是項志載之一但自民國十三年夏修纂以來屢修屢停距今已十年矣人地更易世事滄桑已_有今昔之不同且屢經災禍之損失舊志已如碩果之僅存識者懼舊志失傳曾議重修終以辦理不善中途擱淺迨_予來長是邦知文獻之不可墮落也聘賢任能集款糾材舉凡有裨縣志之進行者靡不列作前提數閱月以來規模大備頗有完成之望而館員喬君竹坡於採訪之餘先輯風土志略一書舉以示_予而簡要切實綱舉目張如山川羅列掌上觀文燃燒溫屏水中現魅豈特供修志之採擇哉亦切於人間之實用也行見洛陽紙貴矣_予嘉是書之成也忘已

之不文而為之序

時在民國二十三年中秋日東甌楊兆鈞



師 村 續 通 書 卷 七

勘誤表

十一	五	全上	全上	四	圖	一	某頁某面
正	正	全上	全上	反		正	誤
家嶺山	叡德祀	中部諸山	再東為飯 穎山	鳳凰山	會金官	北至周家 山三十里	
家嶺山	叡德祀	中部諸國陵	再東又有 一山	鳳台山	會聖宮	北至周家 山二十里	正
三四	三十	二七	十八	十七	十三	十二	某頁某面
正	正	正	反	正	反	正	誤
全上	殘費	第二大炉	蔓菁	何溢	鳴鳴然	發源於董 村	
全上	殘廢	火鑊	重	河溢	鳴鳴然	發源於董 村南	正
	十一	全上	四八	四七	四二	三六	某頁某面
	反	反	正	正	反	正	誤
	陶家利	賭此	朶口朶	澗溪	只應	地歷	
	陶家村	睹此	朶口朶	臨溪	自應	地理	正

附說

第四十六頁正面喫齋念經之餘習句下今之燒香會句上落去而其堅苦卓絕香渡
衆生之真精神全失等十六字

8921489